


十一經同本

二  
才



90123456789200123456789210123456789221

C40-4614



B 64853

七經同本

北藏才字函

佛說諫王經

如來示教勝軍王經

佛爲勝光天子說王法經

寶積三昧文殊師利菩薩問法身經

以上四經  
北藏同卷

佛說濟諸方等學經

一卷

大乘方廣總持經

一卷

太子須大峯經

一卷

佛說諫王經

劉宋居士沮渠京聲譯

聞如是一時佛在舍衛國祇樹給孤獨園王名不離  
先尼出行國界道過佛所身蒙塵土解劔退蓋爲佛  
作禮世尊曰就坐王卽坐佛問王王所從來身蒙塵  
土王卽退坐稽首對諾屬行國界有灾異者佛告王  
曰王治當以政法無失節度常以慈心養育人民所  
以得霸治爲國王者皆由宿命行善所致統理民事  
不可偏枉諸公卿羣寮下逮凡民皆有怨辭行不平  
等海內皆忿身死魄神當入太山地獄後雖悔之無

1 2 3 4 5 6 7 8 9 201 2 3 4 5 6 7 8 9 210 1 2 3 4 5 6 7 8 9

所復及王治國平政常以節度臣民歎德四海歸心  
天龍鬼神皆聞王善死得上天後亦無悔王無好淫  
失以自荒壞無以忿意有所殘賊當受忠臣剛直之  
諫夫與人言常以寬詳無灼熱之當以因意待於國  
民何謂爲四隨時廩與和意與語所有珍寶與民共  
之占視老病及諸鰥寡王如是者國中和平卽得其  
福壽終上天所願自然王不可以常得自在人皆敬  
畏以之爲樂名象好馬寶車賢臣羣寮百官導從前  
後內藏珍寶倉庫百物皆當腐壞無長存者年少會  
老強健必病含血之類皆當歸死珍寶妻子家室內

外不可常得如人夢見殿舍好園樹木生果池水流  
泉遊戲其中快樂無極寤則霍然莫知所在覩世所  
有皆如人夢王寧見樹有華果華果不能常着樹青  
青之葉會有萎落天冠巾幘黼黻名服不能常好流  
水不能常滿放火曠野火盛炎赫不久則滅暴風疾  
雨雷電霹靂斯臾之間霍然不見日欲出時星無精  
光日之盛明照於天下不久復冥世間無常亦復如  
是喻如四面有大石山上下皆有六山俱到同時共  
合其中人物含血之類無有豪賤皆當糜碎人有四  
事不可得止老至體枯病來心惱身死神去所有珍

90123456789200123456789

210123456789220123456789

續

寶皆當棄捐不可得保此四一至不可得離無避逃處非口所能守請陳謝不可財許求哀得解是時所有名象良馬珍寶壯士羣臣百官護導前後孰能爲王排却之者王寧見師子獸中最猛遙見羣鹿意欲所取便前搏撮裂食其肉如斯之痛安可言乎命如師子取羣鹿時人命欲終身體不寧血脉爲消面色爲變命日欲促五臟不治不思飲食雖有神呪良醫善藥不能使愈口爲妄語其所索者家室恣之身體皆痛如被掠治手足恆攘骨節欲解口乾息極羸瘦困劣不能起居坐卧須人若得良藥糜粥甘食人當

含之必復苦極筋脈欲絕但有出氣無復報入唇燥乾焦正氣竭盡邪氣在處舌稍却縮面目無色耳鼻閉塞不聞聲香手足拘攣筋急口噤欲言不能手或把空摸擦邊傍身汗目淚流出相續心意著痛識轉消滅無所復知溫去身冷魂神去矣所有珍寶父母兄弟妻子内外知識奴婢皆當棄捐隨行獨去不知所到世間雖樂不得久留王當是時當何恃怙唯有孝順慈養二親供事高行清潔沙門見凡老人當尊敬之所有財寶與民同歡當以慈心施惠於民無以讒言殘害民命爲王之法當宣聖道教民爲善唯守

0123456789

2001

2101

2201

2301

2401

2501

一心心存三尊王者如斯諸聖咨嗟天龍鬼神擁護  
其國生有榮譽死得上天身死神去當何所恃唯恃  
善耳火盛煇熗恃水滅之飢渴之人唯恃水穀老恃  
机杖盲恃有目冥恃燈火疾病困篤恃良醫藥船行  
巨海風浪盛猛恃彼柂櫓道有盜賊恃藏匿處身死  
神去唯恃修善猶逢彼難各恃其事以自拔濟宗室  
獲安王無以爲樂飲食極味遊居自在常得飽滿皆  
當消散不可常得好香塗身苾芬聒鼻珠璣瓔珞奕  
奕曜目水陸好華以爲校飾金縷織成以爲名服白  
毳衣文繡衣雜綵衣無極衣細疊衣細緻衣錦綾衣

此皆無常不可久保宮觀高臺華闕殿舍黃金白銀  
七寶牀榻氍毹絨綺綻綻綻綻綻綻綻綻綻綻綻  
文繡綾綺以爲幃帳柱梁壁戶彫文刻鏤燒衆雜香  
遊戲其中斯皆無常不可久保琴瑟箏笛衆音集聚  
歌舞倡伎衆音盈耳快樂可言斯亦無常如幻如夢  
不得久保象馬寶車光目之觀王一出時椎鐘鳴鼓  
驛導前後王乘羽蓋之車侍者持幢翠毛葆羽彫文  
其柄以拂塵土治填道路丹畫欄楯衆民所觀無不  
敬畏好華名香皆以迎王稱壽萬歲斯亦難保王寧  
見人欲死之時諸家內外聚會其邊椎胷呼天皆云

90123456789

200123456789

210123456789

經

佛說三經

奈何哿伊哽咽淚下交流嗚呼痛哉神靈獨逝吾如  
之乎聞之者莫不傷心觀之者莫不助哀載之出城  
捐於曠野飛鳥走獸獨犁食之身中有蟲還食其肉  
日炙風颶骨皆爲乾往昔諸王尊榮豪貴隱隱闐闐  
亦如大王今日霍然不復見之此皆無常之明驗也  
古尚如此況於今日王熟思之無念淫泆無受佞言  
誤入人罪當受忠諫治以節度當畏地獄酷治之痛  
諸含血之類皆貪生活不當煞之佛說經竟王意卽  
解願爲弟子卽受五戒頭面著地爲佛作禮  
佛說諫王經

音釋

恇攘 惕曲王切 攘急遽貌如羊 嚦渠 禁摸捺 摸慕各切捺  
捥撫 切 案屬居矣切 𩷗吐盍切 鰐都 無各切捺  
机 𩷗切 繩綻 滕切 𩷗𦵯屬綻綻 經於阮  
然切 繩綻 廻落侯切 嘴伊 嘴於六切 𩷗於祇  
坐附也 独烏國切 與 飄 同

(吳江居士周祇施刻此卷 嘉禾沙門道梅對  
徐普書洪以忠刻 萬曆甲辰孟春徑山寺識)

901234567892001234567892101234567892201234567892301234567892401234567892501234567892601234567892701234567892801234567892901234567892

經

傳譯

五

卷一

如來示教勝軍王經

唐三藏法師玄奘譯

如是我聞一時薄伽梵在室羅筏住逝多林給孤獨園與其無量大苾芻衆天人等俱爾時憍薩羅主勝軍大王尊位威德皆悉成就爲欲瞻仰請問佛故嚴駕出城往如來所乘至下處步道入園遙見世尊坐一樹下端嚴殊妙諸根閑寂其心晏然已能善得最上調順寂止究竟已能善到第一調順寂止彼岸善能密護降伏諸根爲丈夫龍丈夫牛王丈夫良馬清淨無撓如澄泉池威德熾盛光明照耀如大金山有

禁書

三十二大丈夫相圓滿莊嚴八十隨好間飾支體時  
勝軍王遙見佛已心喜踊躍不能自勝便卽脫去刹  
帝利種灌頂大王隨身所有五標尊飾一者頂上寶  
冠二者所執神劍三者衆寶傘蓋四者末尼扇拂五  
者織成寶履旣去是已詣如來所到已頂禮世尊雙  
足右繞三匝退坐一面爾時勝軍大王坐一面已而  
白佛言大悲世尊惟願如來哀愍教授惟願善逝哀  
愍教誡令我長夜證於大義利益安樂爾時世尊告  
大王曰善哉善哉大王汝今乃能請問如來如是大  
義大王汝今爲大國王應以正法勿以邪法應隨法  
行勿隨非法所以者何大王當知若有國王或諸王  
等棄捨正法以諸邪法而作國王彼於現在爲諸聖  
賢之所訶毀後致憂悔身壞命終墮諸惡趣生地獄  
中受諸劇苦又若國王或諸王等棄捨邪法以其正  
法而作國王彼於現在爲衆聖賢之所稱讚後無憂  
悔身壞命終超昇善趣生諸天中受諸妙樂大王譬  
如父母憐愍於子心常欲令離苦得樂王亦應爾於  
諸國邑所有衆生僮僕作使輔臣僚佐應以諸佛所  
說四攝而攝受之何等爲四一者布施二者愛語三  
者利行四者同事如是善攝國邑衆生僮僕作使輔

臣僚佐攝於二義同事同歸何等二義一者現在二者未來大王當知譬如男子或諸女人於其夢中夢心所見可愛園林可愛山谷可愛國邑并諸異類彼夢覺已所見皆無如是大王國祚身命虛僞無常一切皆如夢之所見大王當知王富貴樂王自在樂王愛欲樂及餘所愛諸欲樂具所謂象馬車步諸軍官殿后妃太子諸王輔臣僚佐防衛士衆父母兄弟姊妹妻妾男女大小僮僕作使國邑衆生金銀珍寶末尼真珠衣服財穀庫藏等物如是所有諸欲樂具於命終時皆當棄捨獨往後世無一相隨大王當知如上所說一切樂具非常非恒不可保信皆變易法迅速不停流轉移動終歸壞滅念念遷謝後爲灰燼究竟同趣滅盡之門是失壞法有諸怖畏有諸灾橫多諸愁惱皆是墜墮零落斷壞離散之法亦復如是大王當知譬如樹林先見開華尋復結果後還無果先見其葉榮茂青翠尋復萎黃後皆凋落如是大王國祚身命王富貴樂王自在樂欲樂及餘所愛諸欲樂具所謂象馬車步軍等廣說乃至皆是墜墮零落斷壞離散之法亦復如是大王當知如大火聚先見熾然復極熾然轉遍熾然後皆洞然雖久熾盛終

1 2 3 4 5 6 7 8 9 200

1 2 3 4 5 6 7 8 9 200

歸滅盡如是大王國祚身命王富貴樂王自在樂王  
愛欲樂及餘所愛諸欲樂具所謂象馬車步軍等廣  
說乃至皆是墜墮零落斷壞離散之法亦復如是大  
王當知如日月輪有大神用具大勢力放大光明以  
自莊嚴遍照世間終歸隱沒如是大王國祚身命王  
富貴樂王自在樂王愛欲樂及餘所愛諸欲樂具所  
謂象馬車步軍等廣說乃至皆是墜墮零落斷壞離  
散之法亦復如是大王當知譬如大雲遍覆虛空暴雨  
風疾雷掣電注雨震動天地須臾散滅如是大王國  
祚身命王富貴樂王自在樂王愛欲樂及餘所愛諸  
欲樂具所謂象馬車步軍等廣說乃至皆是墜墮零  
落斷壞離散之法亦復如是是故大王應善勤修隨  
無常觀隨盡滅觀於自命終常當驚懼爲大國王應  
以正法勿以非法應隨法行勿隨非法大王當知如  
四大山從四方來牢固堅密無有缺漏無諸間隙周  
匝充遍總一合成上盡虛空下窮地際其中所有一  
切草木枝條華葉及諸有情蠢動之類皆被磨滅難  
以決勇而可逃避難以勢力而能抗拒難以呪術財  
貨藥物而可禁止如是大王世有四種大怖畏事各  
來磨滅一切衆生難以決勇而可逃避難以勢力而

能抗拒難以呪術財貨藥物而能禁止云何四種大怖畏事大王當知一者老來逼害磨滅衆生少壯二者病來逼害磨滅衆生調適三者死來逼害磨滅衆生壽命四者衰來逼害磨滅衆生興盛大王當知譬如師子爲衆獸王入鹿羣中搏取一鹿若噉未噉自在無難其鹿爾時先所騰勇入師子口無復能爲如是大王一切衆生旣入無常師子王口所有勢力無復能爲大王當知譬如有人勇健多力毒箭所中一切威猛皆悉摧滅如是大王一切衆生剛強狠戾死箭所中無復勢力無復救護無所歸依無所投竄臨欲捨命解支節時血肉枯竭心胷熱惱燋渴所逼張口大息手足紛亂無所堪能無有勢力涎涕交流大小便利穢污身體六根閉塞喉嚨哽咽喘息逾急良醫拱手棄諸妙藥其所飲歟美味珍饌無不悉捨偃卧牀枕臨往異趣淪沒無際生老病死無常暴流至臨終位餘命無幾業有力故後有現前甚大怖畏琰魔王使廣大黑闇夜分所吞出息入息最後將滅唯獨一身無有第二及餘伴侶奄背此生歸於後世是大移轉趣大叢林入大黑闇遊大曠野泛大溟海業風所飄往無標記冥漠方所當於爾時無異救護無

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

異歸依無異投竄唯除正法大王彼於爾時唯有正法能爲救護能爲宮室能作歸依是所奔趣是所投竄能拔衆生出生死苦大王當知譬如有人寒苦所逼惟有煖火日光衣等所能止息而可獲安熱苦所逼唯林泉等若涉遠道惟清涼陰若渴所逼惟清冷水若飢所逼惟多美膳若病所逼惟良醫藥及供侍者若怖所逼惟強伴侶如是大王一切衆生死箭所中無復勢力無復救護無所歸依無所投竄臨欲捨命解支節時血肉枯竭心骨熱惱焦渴所逼張口大息手足紛亂無所堪能廣說乃至彼於爾時唯有正法能爲救護能爲宮室能作歸依是所奔趣是所投竄能拔衆生出生死苦所以者何大王當知如是身者雖加守護雖久洗飾雖以衆多上妙飲食恣意飽滿及至臨終要當不免飢渴所逼而便捨命大王當知如是身者雖常潔浴塗香末香熏香華鬘隨意嚴飾由此自體穢漏成故臨捨命時終必歸於不淨臭穢大王當知如是身者雖以種種上妙衣服覆蔽纏裹由此自身諸不淨物所合成故於命終時要當不淨種種流出大王當知如是身者雖處宮室后妃女內宮美人眷屬圍繞作衆妓樂種種倡伎以自娛

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

樂歡喜快樂臨命終時自見惡相要當驚怖憂悲苦  
惱大王當知如是身者雖處宮室綵飾塗畫殿閣樓  
臺戶牖軒窓重關密掩種種香華以自嚴飾種種燈  
燭增光照明施設珍奇屏障帷幄燒衆名香散諸妙  
華香華寶瓶處處陳列安置種種金銀瑠璃衆寶牀  
座敷設上妙氍毹錦繡文褥華氈牀座兩頭俱置丹  
枕覆以上妙綺帬錦衾寢寐安寢歡娛耽著於命終  
後無所覺知或送屍骸置於葬所烏鵲鷗鷺狐狼野  
干餓狗鴟梟諸惡禽獸爭共食噉骨肉膿血鬚髮糞  
穢流溢地上臭處可惡大王當知如是身者先常乘

馭香象駿馬衆寶輦輶擊鼓吹貝作大音樂衆寶金  
蓋隨侍於後執持扇拂掩映搖動無量勇健象軍馬  
軍車軍步軍導從前後防衛左右百千臣僚竭誠敬  
奉城邑士庶合掌驚歎雖受如是勝妙果報自在榮  
華不久要當瞑目辟手無復動搖橫尸偃仰喪車輦  
上衆人荷挽出大城門父母妻子兄弟姊妹作使僮  
僕臣僚輔佐親屬內人隨從左右心纏憂惱頭髮被  
散舉手拍頭椎眉悲噎哀感崩慟皆言苦哉城邑國  
人覩之號慕隨送葬所或有露尸施諸禽獸鳥鵲餓  
狗鵠鷺鴟梟狐狼野干及諸惡獸擅掣食噉骨肉狼

籍風飄日曝雨灑霜封支節解散零落異所或有積薪以火焚葬筋骨焦爛血肉消化臭煙烽燎四面充塞火滅骨消灰飛塵散或有掘地埋殯墳陵經歷多時肉消骨腐大王當知此身如是變壞無常一切衆生及以諸行皆悉如是非常非恒不可保信皆變易法迅速不停流轉移動終歸壞滅念遷謝後爲灰燼究竟同趣滅盡之門是失壞法有諸怖畏有諸災橫多諸愁惱皆是墜墮零落斷壞離散之法是故大王應善勤修隨無常觀隨盡滅觀勿爲貪欲之所染汙勿爲瞋恚之所鼓動勿爲愚癡之所覆蔽勿復耽染王富貴樂勿復耽染王自在樂勿復耽染王愛欲樂勿復耽染及餘所受諸欲樂具應當滅除財命僥逸應當驚懼無常死魔不與人期奄忽而至爲大國主應以正法勿以非法應隨法行勿隨非法應愍衆生皆如一子應當至誠護持佛法紹隆三寶勿復餘顧所以者何生死海中流轉無始唯佛正法是大津梁千萬億劫寔難值故大王當知我終不說獲得世間諸欲樂具積聚受用名富貴者我說獲得諸佛法聖慧財寶積聚受用乃名圓滿真富貴者是故大王應當厭離世間所有諸欲樂具應當願求諸佛正

1 2 3 4 5 6 7 8 9 20

20

20

法聖慧財寶時薄伽梵說是經已憍薩羅主勝軍大王及諸世間天人等衆聞佛所說皆大歡喜信受奉行

如來示教勝軍王經

音釋

嚙

蘇朗喉也

切

鬘

莫還切

綺

吧

綺墟几切文繒也

鵠

鵠普駕切模也

梟

赤鳥惡切

擗

擗側加切手取也

擎

擎昌列切挽也

脂

切瑞

擗

擗側加切手取也

擎

擎昌列切挽也

烽

烽蒲紅切烽

焞

蒲沒切烽焞

貌

吳江居士周祇施刻此卷

徐普書洪以忠刻

萬曆甲辰孟春徑山寺識

嘉禾沙門道梅對

佛爲勝光天子說王法經

唐三藏法師義淨奉詔譯

如是我聞一時薄伽梵在室羅伐城逝多林給孤獨園與大苾芻衆百千人俱皆是大阿羅漢諸漏已盡復與無量菩薩摩訶薩俱人中大龍一生補處爾時世尊在一樹下於勝妙座加趺而坐於大衆中普爲人天演說自證微妙之法所謂初中後善文義巧妙純一圓滿清淨鮮白梵行之相爾時憍薩羅國王勝光天子嚴駕侍從出室羅伐往逝多林欲禮世尊恭敬供養承事親近既至林所下車整衣詣大師處遙

1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

見如來坐於樹下爲衆說法顏貌端正調伏諸根意  
樂寂靜住增上定人中龍象如師子王亦如牛王如  
善智馬人中最上如白蓮華如池湛寂如妙高山安  
處大海具三十二相八十種好如妙金幢形色充遍  
亦如白日千光晃耀如盛月輪衆星圍繞時王見已  
生大歡喜身毛遍豎得未曾有灌頂大王有五盛事  
所謂如意髻珠白蓋白拂寶履寶劔悉皆棄捨著常  
人服從以大臣安詳正念諸根寂靜偏露右肩整理  
衣服曲躬合掌至世尊所禮佛雙足布上妙華燒衆  
名香爲供養已右遶三匝退坐一面時勝光王從座  
而起如常威儀合掌向佛作如是言惟願大師開悟  
於我善教於我爲國主法令於現在恒受安樂命終  
之後當生天上乃至菩提善心相續佛告大王善哉  
善哉當一心聽甚爲希有孰能致問求勝資糧當順  
法行獨除惡事何以故大王若王大臣捨其善法行  
惡法者於現世中人所輕鄙不敢親附咸生疑惑常  
見惡夢多有怨家復生懊悔命終之後墮地獄中大  
王若國王大臣遠離惡法修善法者於現世中人所  
欣仰皆來親附不生疑惑常見好夢除惡怨敵無復  
追悔命終之後得生天上乃至菩提證真常樂大王

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

譬如父母憐愛諸子常願安隱令無惱害遮其惡行  
 勸修善業大王爲天子者亦復如是於諸臣佐乃至  
 國人僕使之類咸以四攝而恩育之布施愛語利行  
 同事時彼人王能於國界廣作如是大饒益已成就  
 二種利益之事云何爲二王如父母愛念無差國人  
 如子並懷忠孝復次大王作天子者情懷恩恕薄爲  
 賦歛省其徭役設官分職不務繁多黜罰惡人賞進  
 賢善不忠良者當速遠離順古聖王勿行刑戮何以  
 故生人道者勝緣所感若斷其命定招惡報大王常  
 當一心恭敬三寶莫生邪見我涅槃後法付國王大

臣輔相當爲擁護勿致衰損然正法炬轉正法輪盡  
 未來際常令不絕若能如是依教行者則令國中龍  
 王歡喜風調雨順諸天慶悅豐樂安隱災橫皆除率  
 土太平王身快樂永保勝位福力延長無復憂惱增  
 益壽命現在名稱遍滿十方外國諸王咸共讚歎其  
 國天子仁讓忠孝以法教化拯恤黔黎於諸國中最  
 爲第一我等今者咸當歸伏此大法王捨身之後得  
 生天上受勝妙樂乃至菩提復次大王一切諸法體  
 性空虛無常滅壞聲如有人於夜夢中見好園圃山  
 河人衆茂林清泉堂舍樓閣皆可愛樂及其睡覺一

1 2 3 4 5 6 7 8 9 20 1 2 3 4 5 6 7 8 9 20

經

卷之三

三

十一

無所見大王當知所紹王位及以壽命諸有勝樂自在尊貴五欲歡娛象馬車步父母兄弟男女妃后所有國人乃至臣妾金銀珍寶衣服飲食及諸庫藏命終之際悉皆棄捨此等衆事皆是無常滅壞之法事難保守體是動搖終歸離散可怖畏處能生苦惱無我所亦無主宰常應觀察勿爲放逸復次大王譬如大樹初生葉華次當結實果既熟已漸當墮落青葉次黃後悉零墜終至皆盡唯有空樹其樹乾枯有大火至熾然猛焰不久燒盡復次大王譬如日月有大威力具大光明能令黑闇悉皆除盡此亦不久終

歸磨滅大王如是當觀無常無我滅壞之事應生怖懼而作國王當以法化勿行非法當修衆善不隨惡行復次大王譬如四面各有大山從四方來堅固一段無有空缺上陵太虛下磨地界於中所有草木叢林及諸生類無一飛走能得免者無有壯夫而爲拒敵亦無能以呪藥財物可令廻去大王人間四山亦復如是謂老病死及以失勢大王老若來時令人衰悴疾病若至能生苦惱死期現前必常命斷勢若失時滅其威力復次大王如師子王駿疾多力爪牙鋒利入鹿羣中隨意取食無能爲礙此諸獸類被他所

1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

傳寫房方子譜注法集

四

十一

憎無有自在大王當知一切衆生被死箭射無有豪  
強無歸無護命欲斷時骨節離解血肉乾燥口不能  
言手足撩亂勢力都盡涎唾便利遍汙其身眼等六  
根悉皆閉塞喉中氣逆飲食不通念念之間後識將  
盡無始時來生老病死苦海流轉隨業而去卽於此  
時命根將斷隨所作業皆悉現前琰魔使人甚可怖  
畏黑闇長夜無能違逆出入之息溢然而盡獨行無  
侶所向惶惶捨此人間趣於後世將墮大坑入深闇  
處唯涉險道無復資糧業風所吹不知前路爾時危  
難無別歸依於此時中隨業受報大王有陀羅尼名

曰勝旛若人先時曾受持者於生死中能爲善伴共  
相救護大王善聽我今爲說呪曰

南謨釋迦牟奈曳怛他揭多也阿羅歎帝三  
藐三勃陀也怛姪他唵苦謎苦謎薩婆波跋  
鉢羅苦末泥去莎訶

佛告大王此陀羅尼諸佛所說於日日中清淨澡漱  
常誦七遍有大威神能爲救濟如遭極寒遇炎火聚  
如大熱時得清冷水盛夏尋路逢好樹陰如渴遇清  
泉如飢得美食如病蒙呪藥又復遇良醫如怯怖人  
得強壯伴大王如是有福之人臨欲死時有好瑞相

而爲導引大王於此時中唯有善法共相護念爲作  
歸依唯此陀羅尼善能救濟是故大王常當日日誦  
此神呪能得消除一切罪障復能生長無量福因當  
善觀察無常滅壞究竟空無於死門中生大恐怖以  
善化世莫行惡法常修福業起大慈悲何以故然於  
此身常所愛護供以名厨上妙飲食隨時偃息無憂  
自在雖受如是殊勝之樂終歸不免臨死之際飢火  
來逼之食而死復次大王所著衣服皆是微妙迦戶  
白氈錦綺綾羅涼燠順時任情受樂終歸不免臨死  
之際委卧牀席廻轉隨人垢膩縈身衾裳霑體能令  
見者生可惡心復次大王平生之日澡浴嚴身塗香  
末香種種莊飾熏香遍馥頂繫華鬘設受如此上妙  
樂具終歸不免漸將變壞復本形狀髡穢現前澡沐  
塗香並皆虛設復次大王多處內宮妓女圍遶管絃  
代發歌舞隨情以樂送時不聞憂事終歸不免死苦  
來迫懷怖而終復次大王所居宮殿種種莊嚴戶牖  
疎通寒溫適節暢情終日受樂通宵室燎明燈多諸  
妓女疎籠散馥名華遍布七寶莊校所卧之牀氈褥  
重敷并安偃枕恣意而卧無復憂勞及其業盡終歸  
不免身亡之後送往寒林置之空野屍骸爛潰膿血

1 2 3 4 5 6 7 8 9 20 1 2 3 4 5 6 7 8 9 20

橫流骨肉分張人皆鄙賤被諸狐狼鳩梟鵠鷺之所  
餐食悲哉此身卒至於此復次大王嘉晨令節嚴駕  
出城往詣芳林縱情遊賞象馬車步前後陪隨意樂  
乘騎無不遂念諸臣侍從羽扇嚴儀纏帳高懸復持  
金蓋鼓樂並奏鈴鐸和鳴人皆敬奉如天帝釋若福  
命盡琰魔使來收錄精神將至王所隨業分判無能  
免者唯有殘骸置之於地父母妻子及以國人咸共  
悲號椎胷懊惱靈輦送殯詣彼厥林或燒或埋或沉  
於水飛禽走獸魚鼈鼈鼈聞其肉氣爭來餐食骨成  
塵粉與地無殊大王當知一切衆生稟識之類悉皆

如是終爲無常之所滅壞體難保信念念遷移多諸  
煩惱無可愛樂誰有智者不生厭離是故大王當觀  
如是身爲患本無常所隨鎮被死王之所驅逼知是  
事已當爲法王不應恣情起貪瞋癡行於惡事何以  
故大王我不說有愚癡凡夫於五欲竟已聲香味觸  
恒多積聚常樂親近如是之人能全厭足大王誰於  
欲境能發厭心謂賢聖人起勝智慧現在前時方生  
厭足漸當遠離證妙涅槃爾時勝光天子聞佛爲說  
安隱自身長保國位利益含識名聞十方當得生天  
受勝妙樂深心喜慶得未曾有合掌恭敬一心瞻仰

白佛言世尊如來大慈爲說如是微妙法義我今頂戴常願流通舉國諸人皆令誦習佛言善哉善哉大王前世修因今受勝報得爲天子所願隨心當如說行勿爲放逸時勝光天子及諸大衆皆大歡喜信受奉行禮佛而去

### 佛爲勝光天子說王法經

音釋

惱

虛業切威力相恐也

溢

口客切奄忽也

苦

苦失廉切

謎

謎莫計切

鳬

尺救切

穢

穢氣也

憊

詮僥切車上

曰

憶江居士周祇流刻此卷

嘉禾沙門道海對

萬曆甲辰孟春徑山寺識

### 寶積三昧文殊師利菩薩問法身經

後漢安息三藏法師安世高譯

聞如是一時佛至羅閱祇耆闍崛山中與千二百五十比丘俱文殊菩薩往到佛所在門外住所以者何佛坐三昧未久佛覺見文殊便請入作禮而住佛言且坐文殊問佛屬坐三昧名曰何等佛言寶積文殊復問何故名寶積佛言譬如摩尼珠本自淨好復以水洗置其平地轉更明徹無不見者屬所入三昧見東方無央數阿僧祇刹土及佛已復悉不現住是三昧中無不見諸法本際其有住者以爲得印所語如

言摩尼寶舍有四角從一角視悉見諸角無所缺減  
是故見諸本際佛問文殊知本際不則言知何所是  
報言我所處是爲本際諸所欲人異際在是際者亦  
不在法亦不在善惡諸法亦如是其知是者審以知  
之凡之知者以無所知從本傳習莫有作者是故無  
有底佛問文殊何謂是慧審是慧者是故慧復問何  
所道念名曰道報言所念道無念是故道佛語文殊  
以有念言無念當以何法教新學若男子女人文殊  
言亦無所出亦無解淫怒癡無有極以是法教一切  
以故無有根是故不可出不可解其言我能壞本際

以不能其言我能斷生是亦不能不捨俗事不念近道作是者乃可教於凡人文殊問佛持何法教學佛言我所教不壞色痛癢思想生死識無所壞亦不教壞姓怒癡令得不可計數法以是法教作佛道者我用是故自致得佛佛語文殊無所壞法故致佛無所得法能成佛佛者則法身諸種力無所畏悉法身之所入所以者何莫能分一身者而寫法身法身無所有數何以故不言是凡人是不凡人法身等無差特無所散身是爲法身譬如四瀆悉歸於海合爲一味若干名法爲一法身諸所有種各各有名合會聚之

名曰穀若俗事道事悉合爲一法身所以者何不可  
指示是爲俗事道事亦不可說是俗事身是爲法身  
亦不可見視如我所說法身其有信二知者所作衆  
惡悉以除盡文殊言於法身亦不見生天上亦不見  
在人間亦不見在三道亦不在泥洹佛語文殊今若  
所說乃爾若有人問汝者佛現說有五道當何以解  
之文殊言譬若如人卧中見入泥犁若作禽獸薜荔  
上在天上若在人中覺則無所見其法身無所著所  
以者何但有數故數者墮俗若羅漢辟支佛上至佛  
俱等一法身所以者何不可分別故譬如若干種寶

可別知法身而不別所以者何不可別故無生無死  
故法身無所生無所滅所以者何常住故亦無有垢  
亦無有淨所以者何無有過者亦無勝亦無所脫佛  
者無所不知復問文殊知法身不文殊言若得者可  
知佛問文殊乃知世間所在處不則言知佛言何所  
是文殊言其化人處世在是世間者但有名求如毛  
際而無爲我說者其世亦不離法身佛復問世所在  
何所文殊言譬如雲所在無所在亦不羸亦不強是  
則世世之相佛問文殊汝謂我滅不文殊言不何以  
故法身無有生若有生乃有滅法身者不生故知佛

而不滅佛問文殊若聞已過去恒邊沙佛悉般泥洹汝信不則言信佛言云何信文殊言其佛者悉佛所化化般泥洹故而信之佛問文殊汝見人臨死時知所趣向則答言而人不可知何況所趣向佛語文殊乃可聚會說法文殊言誰欲聽佛言欲聽聚會者文殊白佛當因何法有所說佛言說法身則言不見法身當何以說之佛語文殊若所說法身不可見其在會中未曉者聞其所言其心恐懼文殊言若恐懼其本際已恐懼佛言本際無恐懼未曉者亦不恐懼文殊言諸法無有恐懼者若金剛佛問何謂金剛答言

無能截斷者以故名曰金剛佛不可議諸法亦不可議以是爲金剛佛言何所爲金剛者文殊言勝諸法故佛者法法之審故是爲金剛佛以何因爲金剛則答言所有無所有一一求之無所有故曰空空者是佛以是爲金剛一切諸法皆佛依無所依是故金剛何緣是爲金剛則言無所依者無所近是故爲金剛佛語文殊今我欲作感應令阿難來所以者何爲一切受法故文殊問佛屬所說法無所見無所得阿難來者當取何法佛言善哉善哉如文殊所說佛言我見東方無央數阿僧祇刹土諸佛皆悉說是舍利弗

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

出其所止處到文殊所見而不在便至佛所於門外  
住佛謂文殊言呼舍利弗入文殊問佛本際法身有  
中有外有內當從何所得佛言不可得答言本際以  
無際復言舍利弗者亦在法身中不而所從來當所  
入佛語文殊若爲苦舍利弗爲不苦譬如諸聲聞在  
內與我俱語而若在外住不用時入是不爲煩答言  
雖在外住亦不苦亦不煩佛問若以何故不苦不煩  
文殊言佛爲聲聞說法我亦如是故不苦不煩所以  
者何諸佛所離法身故文殊言譬如恒邊沙劫不見  
佛亦不得入亦不苦不煩何以故佛所說法亦無增

無減所以者何諸法無有主以是故無苦無煩諸所  
有名佛因是而教人所以者何佛以是教故佛遙問  
舍利弗汝悉聞文殊所語不含利弗言唯佛勿以自  
勞願樂於是往聽其法文殊白佛可令舍利弗來入  
佛遙謂舍利弗前前已作禮就坐文殊謂舍利弗於  
是法中何所而尊欲入聽之聞說尊法愛樂欲聞故  
入欲聽文殊言審如若所說是法實尊甚深甚深何  
以故是法無有二心故所以者何非若所知不在其  
中諸羅漢辟支佛亦復如是及求佛道者何以故不  
可得故亦不從希望得以是故無能在其中本清淨

卷之三

第

卷之三

故諸法亦清淨舍利弗問文殊所以羅漢不在其中文殊言姪怒盡是爲羅漢無所住無所成當何所中舍利弗言故到人處不見以是故來至門但欲聞深法故舍利弗言我從佛若從人聞其法誠無厭極時文殊言於法無厭極如舍利弗所語文殊問法身能有所受法不何故而無厭極舍利弗言法身無所受其本際有所受不舍利弗言無所受文殊答舍利弗本際無所受故而若無厭極文殊言若本際受法汝有厭極舍利弗言除佛所說我之所語無有與等文殊言汝能自信其法至泥洹若自信不至泥洹舍

利弗言從本以悉般泥洹文殊言寧自信常於是不動轉舍利弗言信復問從何所信則答言法身無所生無所滅故知無所動轉復問信羅漢盡無有餘無所復知不舍利弗言信從何所信其知以無所復有故無所知無所知者無所止故曰盡文殊言羅漢盡問汝信以恒邊沙佛般泥洹以不般泥洹舍利弗言信從何所信法身不生不死故不般泥洹文殊問信諸佛爲一佛不含利弗言信從何所信之答曰一法身無有二故文殊問信諸所有刹土爲一刹土不含

利弗言信從何所信答言所有盡故文殊復問能信一切法無所識無所脫無所念無有證舍利弗言信從何所信無自然而知自然者故無所識無所脫無所念無有證亦不生不滅亦不見亦不有見本際無處所以故信文殊復問信法身住無所生無所滅無所止舍利弗言信從何所信之亦不是法有所生有所滅有所止以故信文殊問能信不可計法身所從出能知處不舍利弗言信從何所信答言法身者亦無姪怒癡故信之而無處復問舍利弗乃信諸法依佛依無所依等不答言信之從何所信答言無所止無所止者謂不可見之所依文殊言善哉善哉舍利弗如若之境界我悉問之若皆答其所知舍利弗語文殊今我所聞者以念不復忘佛謂舍利弗若有男子女人聞是法持諷誦讀爲一切人廣說爲解其義疾得所欲文殊語舍利弗今佛所說無有異舍利弗白佛以供養前佛者所以後者來悉得是耶是法名曰何等當云何行名曰問法身寶積持本際持無所處所持持一切諸法無所罣礙其從若聞是者便因是法悉逮得其聞者復教詔餘人展轉相開導所以者何文少而解多佛說是經舍利弗文殊師利菩薩

諸天人世間人民龍鬼神一切歡喜作禮而去

寶積三昧文殊師利菩薩問法身經

卷一

吳江居士周祇施刻此卷

嘉禾沙門道悔對

徐晉書洪以忠刻  
萬曆甲辰孟春徑山寺識

佛說濟諸方等學經

西晉三藏法師竺法護譯

聞如是一時佛遊王舍城靈鷲山與大比丘衆俱比丘六萬菩薩八十億摩竭國中衆優婆塞六百萬爾時世尊臨滅度時最後末年至羅閱祇初首新歲於時世尊卽如其像三昧正受莊嚴於斯三千大千世界懸繒旛綵疊諸幢蓋散華燒香布諸蓮華其葉三千三千世界億梵天王各與無央數億百千眷屬往詣佛所稽首足下退住一面又手自歸此大千界淨居身天威靈尊勢大神妙天王諸龍王鬼神王阿須

卷一百一十五

經

傳

說

方

言

卷

一百

倫王迦留羅王真陀羅王摩睺勒王各與無數億百千官屬往詣佛所稽首足下却住一面又手自歸其於十方各江沙等諸佛世界神聖殊絕巍巍高節菩薩大士來詣佛所稽首足下還住一面又手自歸諸來會者應時周徧於此三千大千世界極於上界三十三天無有空缺間不容杖鍼不得入靡不稠密大神無極天龍鬼神阿須倫迦留羅真陀羅摩睺勒各各住立瞻佛尊顏其身各異其心同一釋棄因緣等心歸佛爾時世尊安然庠序從三昧起三返觀察諸來衆會三返觀已三返自察師子頻申三頻申已三

返出舌三出舌已三返以舌覆三千大千世界靡不周遍光明煌煌照於十方於時大聖還縮其舌重復顧眄諸來會者諸來會者僉然起住稽首作禮自歸命佛爾時世尊告於彌勒菩薩大士阿逸仁識知之正覺不久當取滅度欲有所問今是其時應宜諮詢諸有疑結志不解者前白如來無得後悔面值大聖何不決之彌勒菩薩前白佛言世尊知時明徹六通諸度無極靡不宜暢決一切疑善哉世尊隨時便宜頒宣經道令斯法目永得久存於是大神妙天王與八十億淨居天人管從圍達行詣佛所稽首足下又

90 1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

手自歸前白佛言唯然世尊今斯經典其號名曰濟  
諸方等學過去諸佛如來至真等正覺之所講說今  
日大聖惟當垂哀重爲散意多所愍哀多所安隱使  
如來法訓誨久存時佛默然可大神妙天王所啓天  
王見佛默然可已退住一面爾時世尊告彌勒菩薩  
阿逸當知諸過去如來至真等正覺無不講說此濟  
諸方等經典之要當來現在十方世界如來至真皆  
亦說是其不宣斯謗佛違法毀諸聖衆所以者何若  
說此經有無益想謂不備悉爲誹謗佛違失經典毀  
訾聖衆毀三寶者必歸地獄是故彌勒若族姓子及

族姓女學菩薩乘通暢諸經衆他異法爾乃分別演  
衆經義若欲周備不闕文字隨正典教不自損已又  
仁彌勒宜當專精思惟是門然後末世攝護正法彌  
勒應曰唯然世尊誠如聖教當傳神旨不敢違命佛  
復告彌勒菩薩如來至真某日於夜得逮無上正真  
之道爲最正覺至於無餘泥洹界滅度日夜如來至  
真寧有缺漏意誤忘乎宣惡念非瑕疵行耶彌勒報  
曰無也世尊復謂阿逸如來某夜成最正覺至滅度  
日所可講說皆實至誠順時應宜而無虛妄佛言或  
有愚人不別如來善權方便不覺真實誠諦之言反

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

傳狂語出意自說此事合義此義不合以是此類誹謗正道若誹謗經則爲謗佛吾謂此黨必歸地獄佛言彌勒當來末世五濁之俗餘五十歲當有四輩比丘比丘尼優婆塞優婆夷志學菩薩慕本所誓外異學意奉事如來見佛所說法律出家修爲沙門謙敬種姓其人所志唯求利養毀壞種姓貪嫉室家亂其居業面無好色志慕小意性不開解不能寬泰不壞情欲多求汲汲遠於一切諸法門行三昧正定常住諛諂心念各異言行不同貪其種姓依有勢者見諸明智曉了法藏謂之無智已無所知自歎有慧已無

聰明自歎聰明智因倚佛道建立其意等心衆生興發大哀又不忘捨善權方便依蒙佛力而已違越所講信樂於其學中或復說言若有經卷說聲聞事其行菩薩不當學此亦不當聽非吾等法非吾道義聲聞所行也修菩薩者慎勿學彼辟支佛法亦復如是慎莫聽之佛語阿逸佛爲信樂開化諸天隨時說法教諸龍神阿須陀迦留羅真陀羅摩睺勒提沓和人與非人隨其本行志所應脫說法開化普至十方各江沙等導利衆生各隨本行隨宜當度利益衆生因斯志操頒宣經道度脫一切皆使得道佛告彌勒當

1 2 3 4 5 6 7 8 9 20 1 2 3 4 5 6 7 8 9 20

是世時菩薩學中志自懷結諸菩薩中剛強難化弊  
惡兇暴妄言兩舌謗聞智少宣傳佛道別爲兩分欲  
爲菩薩當學此法不當學是而懷是心誹謗於佛毀  
訾經典鬪亂聖衆壽終身散便墮地獄在彼見者當  
經無數劫痛罪猶不畢從地獄出當復還生貧匱之  
門所當經歷衆難之患極遠難量乃得受決雖得受  
決在五濁世乃成爲佛亦如我今遭難長遠無央數  
劫在五濁世成最正覺若聞其言而信聽受篤信思  
惟從其教者亦當如是歸於惡趣所以然者信惡親  
友故遭此患佛告阿逸過去久遠不可計劫爾時有

佛號離垢焰成就功德如來至真等正覺出現於世  
八十始歲爲諸衆生頒宣經道時有比丘名淨命爲  
法都講宣若干教言辭柔和辯才至真勸助發起無  
央數人顯揚等教多所歡悅時離垢成就功德如來  
囑累淨命比丘於後末世當護正法囑累已後乃取  
滅度如來至真滅度之後彼比丘於億歲執法品宣  
佛教因得普人濟諸方等經典之要宣傳道化發起  
一切順諸衆生本心所樂應當解者而分別之周旋  
往返八萬城邑觀察衆生本願發意令得飽滿除去  
飢虛衆情之難於彼世時有大國城名曰仁賢有八

十億衆民居中亦觀根源而爲說法於時城中八十  
億家欣然受教化一億家發菩薩意七十九億立聲  
聞乘於是淨命比丘與萬苦薩同心俱往詣修道處  
出去未久時有比丘名曰爲法往來周旋遠他鄉來  
在仁賢城奉持方等千餘經卷現得四禪自以爲遠  
淨命比丘學方等經十四億卷及修餘經六百萬卷  
時爲法比丘在仁賢城唯但宣散一品法教不知隨  
時觀其本行講說經法也不能覺了達諸法界專以  
空法而開化之言一切法空悉無所有可宣講但  
論空法言無罪福輕蔑諸行復稱已言如今吾說悉

佛所教淨命比丘所可演者倚著雜碎志性不清爲  
人穢濁誰本爲彼比丘作字號淨命者實不清淨所  
以者何受取衆華已而服食之亦受名香諸雜塗香  
亦服食之彼學愚冥癡無所知吾身學來久修梵行  
彼適新學而受其戒從來未久勿得信之又其比丘  
放逸自恣衆人橫敬一心悅豫歸淨命比丘其法比  
丘作是謗毀宣其惡行衆人不信不從其教其法比  
丘用懷毒心誹謗智士壽終之後墮地獄中竟八十  
劫用誹謗佛毀訾正法在地獄中七十劫已加六十  
劫迷荒失志盡斯數已乃還前行本發道意香寶光

明如來佛所其佛爲講更說法義勸發道意墮畜生

中九百萬世後生人間六百萬世常遭貧厄所生之

處常瘦無舌然於後世見六十三姓諸佛正覺在諸

佛所常爲法師世世所生普成五通皆爲諸佛所見

教勅悉解諸法說清淨義佛告阿逸欲知爾時淨命

比丘豈異人乎莫作斯觀所以者何是阿彌陀佛也

其法比丘則我身是吾於彼世所更如是佛告阿逸

衆事諸法難了難了義微如是吾以是故於五濁世

得成正覺佛言阿逸若有菩薩說兩品法因是之故

在五濁世當成佛道又其佛土多有諸魔數數與亂

成佛道時若宣經法亦燒亂之當爾之時諸來衆會  
咸皆喚伊流淚于面各自說言莫令學人宣二品法  
講說經義勿令偏黨專愚放恣自是惡彼如法比丘  
爲諸比丘及在家學所分別說說是非法時彼會中  
有百菩薩尋從座起避席坐歔欷流淚於時世尊知  
此菩薩心念本末故復發問諸族姓子何故坐地歔  
欷流淚卽白佛言我等世尊各自識察犯此殃疊佛  
言如是如是族姓子等所察念也鋌光佛時有一菩  
薩名曰智積佛滅度後逮爲法師諸賢者等求其缺  
漏從是已來未曾復與諸佛相見不識道心不得總

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

持不逮三昧諸族姓子前世之時亦與我俱同發道  
意又族姓子是跋陀劫最後有佛名曰樓油當於彼  
世乃能逮得無所從生法忍然後三阿僧祇劫逮致  
無上正真之道爲最正覺是故族姓子菩薩菩薩展  
轉相見莫生異心相求短也若見菩薩當自念言令  
吾覩佛寺見佛正覺佛立吾前假使族姓子若有菩  
薩見餘菩薩發起異心視不如佛則自毀損由是之  
故莫懷瞋恨其見初發菩薩心者視不如佛輒爲侵  
欺諸佛世尊於今現在不可計數無限世界又族姓  
子今佛預覩將來末世餘五十歲有得總持若逮三

昧皆是如來威神所致故族姓子若誹謗法師求其  
短者爲謗如來如來滅度後若有曉了隨時之宜從  
衆生心本所信行而爲說法若於衆會有菩薩學一  
發意頃衣毛爲豎一返聞經尋卽諷誦則當知之如  
來聖旨之所接也於彼世時有愚憍士無菩薩行自  
謂菩薩在諸菩薩凶豎自用分別經典譇張匿功獨  
謂已達以爲二行常自說言此人何知此何所解佛  
告爾勤我身現在所宣頌教行佛道時布施頭目肢  
體肌肉妻子國邑佛悉識念以一頌故布施天下是  
等愚惑求獲利養不往敬佛宣道教者不隨佛教違

失道節佛言阿逸當以清和可奉此法不以諍訟阿  
逸且觀此黨衆生習隨瑕疵發起瞋恨不熟思惟識  
達義故也如吾所修成最正覺宣傳佛慧而爲說法  
便當說言莫傳此教於彼世時利供養故其法比丘  
講說方等千餘經卷興發四禪因是乃致如此艱難  
何況妄說違失義理不順道教若有比丘奉方等教  
宣方等藏欲發道心返更興心誹謗法師則爲誹謗  
諸佛經典甚懷慢恣求其瑕缺佛不謂此得至究竟  
盡生死源是等之類必墮地獄所以者何若有求取  
法師短者則爲嫌佛患厭經法其輕法師則不敬佛

若不欲覩於法師者其人則爲不欲見佛若毀法師  
爲毀諸佛若興害心念初發意菩薩惡者從其發心  
害意諸無數劫若干劫失其道意以其惡眼視菩薩  
敷更若干世世世生盲從本字數口宣誹謗說法師  
惡更若干劫瘡痘無舌佛告阿逸佛普觀察見諸菩  
薩不因餘法速墮惡趣唯由惡心向餘菩薩想吾我  
人貪住求法故墮惡趣佛言阿逸如來不謂宣傳經  
典隨顛倒教念在生死自恣放逸住我人想行若干  
法爲是菩薩因是之故故墮地獄是故阿逸菩薩遵  
習六波羅蜜能成佛慧無上正真或有愚人口自宣

1 2 3 4 5 6 7 8 9

20 1 2 3 4 5 6 7 8 9

20

言菩薩惟當學般若波羅蜜其餘經者非波羅蜜說其短之於阿逸意所趣云何本時國王所以持頭施與人者爲無智乎彌勒答曰不也世尊佛本所修六波羅蜜所爲至誠真實行乎爲不行是得佛道耶彌勒報曰不也世尊佛語阿逸仁本宿世具六十劫行檀波羅蜜尸羣惟逮所修禪定般若波羅蜜亦復如是各六十劫而愚憚等各自發言當以一品行般若波羅蜜至於佛道奉隨顛倒無所慕樂是等之類雖口有言行不清白虛言反教常行倚著希望於空不肯作行但口發言以爲第一雖行甚遠貪妬懷嫉敵重種姓親屬知識吾本寧以頭施於人不用轉輪聖王之位斯等貪着衣食利養入他家居當說此言行道如是如是行者其理如是無復異義多有法師不了斯教利供養故多生害意念法師惡佛言阿逸行訣不以是貪愛其命無道愚夫爲學道也正使百劫不得柔順法忍也况當獲致至佛道乎佛言阿逸行訣詔者恪惜貪嫉不行恭恪無有明智懷妬種姓造二品行爲求道也斯愚人等自謂智明想勝佛慧所以然者橫自發言如來說法言辭不爾是聲聞事佛亦

不說聲聞之法爾時佛告賢者須菩提般若波羅蜜

1 2 3 4 5 6 7 8 9 20

1 2 3 4 5 6 7 8 9 20

222

其源爲一無二行乎須菩提白曰唯然天中天又問  
須菩提菩薩所行捨衆妄想無所著乎唯然世尊復  
問須菩提菩薩所修棄諸馳騁無放逸乎唯然世尊  
佛告須菩提豈見學士已不自修不知羞慚欲得希  
望功勲之報當致貧厄欲求勢姓慕得援助何甚愚  
哉佛復告阿逸菩薩假使聞說一切諸法皆聲聞法  
不當恐怖一切諸法皆緣覺法一切諸法皆爲佛法  
不當恐怖莫懷希望有所倚著一切諸法皆凡夫法  
一切諸法皆塵勞法設聞是言不當恐怖一切諸法  
皆瞋恚法一切諸法無瞋恨法設聞是言不當恐怖

若有所受若無所受作與不作覆不覆清不清有心  
無心有念無念有罪無罪有福無福有報無報有安  
無安有脫無脫精進懈怠有行無行修賢聖法無賢  
聖法寂然不寂然受與不受至誠虛許順念不順念  
住與不住於此諸法永無所畏佛本學時在佛樹下  
所達諸法成最正覺暢解一切衆生境界悉無顛倒  
曉了諸法皆爲自然不著無處故爲世人分別說此  
如來至真不名諸法亦無所諍菩薩以故逮致聖光  
無極法曜興發總持稱舉法印爲諸法故無所上下  
佛語阿逸佛以法故爲四方域頒宣經道衆生各念

1 2 3 4 5 6 7 8 9 20 1 2 3 4 5 6 7 8 9 20

如來爲我如是比類演出經義至二十四阿迦膩吒  
天次復開化第二方域至二十四天三千大千世界  
亦復如是衆生皆念如來生此而轉法輪講說經法  
如是比像無數方便至無央數無際世界開化衆生  
吾於明日所周旋處興作佛事不可限量日中晡時  
亦復如是如來至真常爾不廢日無菽礙普見一切  
衆生境界一切佛土如是無限諸佛部界其亦然矣  
菩薩皆當學如此義住在諸法妄想之處而開化之  
其住諸佛有所希望則以住在誹謗諸佛其以住在  
誹謗諸佛彼則住在墮於險谷其墮險谷則墮惡趣

具住惡趣則住諸法淨訟之處是故阿逸當護如來  
善權方便佛自隨時說此法耳於是文殊師利告超  
聚福菩薩不虛見菩薩一辯心菩薩善了說心菩薩  
呵辯菩薩喜王菩薩離恐毛豎無畏行菩薩心願無  
量佛土菩薩光世音菩薩衆香首菩薩除諸陰蓋菩  
薩不置遠菩薩合百千德菩薩威神音菩薩心不捨  
諸慧菩薩宣名稱幢英菩薩念求諸義菩薩行不離  
佛界菩薩超月殿威灼灼菩薩嚴諸大界菩薩文殊  
師利告於此等二十菩薩復白佛言如是如是世尊  
誠如聖教吾詣東方過是六十江沙諸佛刹土禮諸

50

20

10

1

2

3

4

5

6

7

8

9

20

10

1

2

3

4

世尊聞所說法亦如今日西南北佛土四維上下亦復如是遊觀七日轉復前行不見餘佛尋復還返來至此土稽首聽經爾時世尊告文殊師利仁且觀此如來聖慧無量若茲諸佛境界不可思議巍巍如是如來所入等無有倨靡不周悉或有愚駢不識義理趣自說言般若波羅蜜如來所行是諸如來無極修教餘經皆非佛語文殊菩薩行者無合會行乃是開士正真之行無等倫行則菩薩行無所受行爲菩薩行無所著行亦無不著是菩薩行如是文殊菩薩所行爲無輕慢吾已隨時分別宣法諸法難見亦難曉了是故文殊諸賢一切當修寂然無放逸行順從開士堅固之行常懷慈心不爲瞋害以住諸法修等行者則從佛教佛無數劫遵習此道以權方便而頒宣之有無智人各懷異意墮大艱難當興譏論謗訕經道非如來所宣毀訾法者不覺微失坐不護口或自心念是事佳快或謂不快故誹謗法已誹謗法則誹謗佛已誹謗佛則毀聖衆口橫說言是事爲應是事不應如是言者爲誹謗法爲諸菩薩講說此事爲諸聲聞演如是教口說此言爲誹謗法諸菩薩等當學此法當捨此法不當習學也妄說如此爲誹謗法某

有辯才某不辯才某性便利某性訥鈍妄有譏呵說  
經如是爲誹謗法若以宣言值佛世時可得總持不  
值佛世不得總持爲誹謗法雖以修行逮得總持未  
必清淨若說如是爲誹謗法求法師短瞻其法則所  
行缺漏爲誹謗法不信法師所行具足假使法師不  
應威儀爲誹謗法宣於法師放逸之業馳騁由已不  
能專一爲誹謗法禮節不備失經違節非所奉戒擾  
擾兇兇爲誹謗法所宣義理其明不廣妄有所講爲  
誹謗法言語不了辯才不暢欲傳道教爲誹謗法本  
學不勤所知甚渺明不廣遠欲宣道教爲誹謗法心  
自念言某不知限不了隨時當教開化達令至義爲  
誹謗法興發想念不護佛教懷抱危害爲誹謗法各  
獲一卷文字經教各是所學諍經失義爲誹謗法各  
頌一偈諍其義理自說是非爲誹謗法某有信樂某  
不篤道某當得脫某不得脫爲誹謗法若講法時所  
言各異反其義理非其所講故來亂坐談語說事爲  
誹謗法某以隨時某不知時違失義理不從道節爲  
誹謗法佛告文殊師利諸聲聞衆有所懷畏分別說  
者諸菩薩等聰明辯才有所頌宣皆承如來威神聖

50

1 2 3 4 5 6 7 8 9 20 1 2 3 4 5 6 7 8 9 20

旨佛言文殊如來道教隨時之宜所誓如是斯等愚夫唯念毀訾求其長短不從佛教反非如來所念法師而譏謗之是等悉爲魔之所亂倚求利養故發此意當歸惡趣將護居家所依善友反不慎護住如來教倚其尊勢有勢位者王者長者梵志若使有人難問義者誦說義理咸共歎言善說此事所知佳快如佛所說所可頒宣極有義理僉然勸助由是勸助墮誹謗法同等羣黨出入進退然後及已俱墮惡趣佛復告文殊師利若有菩薩倚著諸行我不謂此爲苦薩也佛言阿逸其依種姓有豪居位佛不謂此爲清淨也其有宣傳兩品經義言行各異佛不謂此當得解脫必歸地獄假使有人專一品說謂義趣是莫能過者佛不謂此越度惡趣衆患之難其多辭說樂於衆開佛不謂此應清白行佛語文殊佛所頒宣理諸顛倒進退法門如江沙等所宣法門樂著空者其數多少亦如江沙爲諸妄想而計有人宣法門教其限多少亦如江沙衆生亦如無相之業諸有相原無願之業諸有願本爲說法門亦如江沙有人無人有命無命有壽無壽有欲無欲有貪無貪有爲無爲某人慇懃隨從計常某不慇懃但念斷滅是樂隨俗是爲

度世某貪欲門某瞋恚門某愚癡門如來皆使除此

諸門故說法門矣佛語文殊若有修行平等之宜永

無所著一切皆應般若波羅蜜教若有講說慧各各

異心在見聞演不如慧則謗如來也於是文殊師利

復問佛言唯然世尊此等之類爲從惡友誤啓受教

乃能興發如是譏謗以何方便現世自責能除罪法

世尊卽告文殊師利假使此人於七歲中晝夜各三

悔過自責然後乃除所造謗罪微微消化當復曾更

十五劫行乃逮法忍佛言文殊菩薩習此經典之要

不能曉了而妄宣傳欲解其事甚難得度文字之法

散義不暢是故菩薩先善諦學然後能宣如是學者  
不自傷損佛言文殊菩薩有四法曉了諸行何謂爲  
四一曰等心愍於衆生二曰等解諸法而無偏黨三  
曰等於道義不倚邪正四曰所說平等不懷妄想是  
爲四若不解此四平等妄有所說則自傷損若族姓  
子及族姓女逮住四法不自傷損何謂爲四一曰不  
懷害心加於衆生二曰不與法師而共諍訟三曰已  
身少明不毀他人博達慧者四曰心自念言此一切  
義皆佛所說故當敬奉謙下恭順是爲四法不自傷  
損佛言文殊若有菩薩於江沙諸佛刹土滿中七寶

如江沙劫一切供養十方諸佛日日各爾布施奉佛而不休息若復受此濟方等學經典之要書著竹帛一返宣說其福過彼供養諸佛所以然者布施持戒忍辱精進一心智慧皆不能及斯人善業濟方等學經典之要菩薩學是德無等倫獨步無侶說是經時三十江河沙等菩薩皆悉得無所從生法忍七十江河沙等菩薩普悉得立不退轉地當成無上正真之道六十億垓百千衆人生在於此三千大千國者聞是經典咸共勸助悉發道意僉然意解越八十劫生死之難亦皆一時得不退轉佛說如是諸比丘及苦

薩一切衆會天龍鬼神捷脊和阿須倫世間人民聞  
佛所說莫不歡喜作禮而去

校訛

第六紙十行

行南藏山家集

音釋

與針丐莫甸切瑕疵瑕胡加

**鍼**與針同

**耶**邪視也。玉彌才支切。

和切居巧言巨

胡女失其少也

欲謂泣咽

**犀** 初限  
**切** **晡** 博胡切  
**申時也** **駢**

論張誨

50 1 2 3 4 5 6 7 8 9 20 1 2 3 4 5 6 7 8 9 20

經

佛說濟諸方等學經

卷一

大二

吳江居士周祇施資刻此

佛說濟諸方等學經  
嘉禾沙門道梅對吳門徐善書進賢傳汝權刻  
萬曆甲辰孟春月徑山寂昭庵識

大乘方廣總持經

隋天竺三藏毗尼多流支譯

如是我聞一時佛在王舍城者閻崛山中與大比丘  
衆六萬二千人俱菩薩摩訶薩八十億衆摩伽陀國  
優婆塞六十億百千人爾時世尊夏安居已臨涅槃  
莊嚴懸繒旛蓋置寶香瓶衆香塗飾處處徧散千葉  
蓮華爾時此三千大千世界億百千衆諸梵天王及  
億百千眷屬來詣佛所到佛所已頭面禮足合掌向  
佛却住一面復有億百千淨居天子自在天王大自

1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

經

大廣經

卷三

在天王龍王夜叉王阿脩羅王迦樓羅王緊那羅王  
摩睺羅伽王各與億百千眷屬來詣佛所到佛所已  
頭面禮足合掌向佛却住一面爾時十方如恒河沙  
大威德菩薩摩訶薩來詣佛所到佛所已頭面禮足  
合掌向佛却住一面爾時此三千大千世界乃至有  
頂皆悉來集大衆充滿間無空處爾時復有餘大威  
力天龍夜叉乾闥婆阿脩羅迦樓羅緊那羅摩睺羅  
伽等皆來集會爾時世尊正念現前從三昧起徧觀  
大衆欠咗頻申如師子王如是至三爾時世尊從其  
面門出廣長舌徧覆三千大千世界是時如來現神  
通已復觀大衆爾時一切大衆卽從座起合掌作禮  
默然而住爾時佛告彌勒菩薩摩訶薩言阿逸多如  
來不久當入涅槃汝於諸法有所疑者我今現在欲  
有所問今正是時佛滅度後勿生憂悔爾時彌勒菩  
薩摩訶薩白佛言唯然世尊善自知時諸佛如來於  
一切法皆悉究竟惟願宣說今此法眼久住於世爾  
時會中有大自在天子及八十億淨居天衆眷屬圍  
遶頂禮佛足合掌恭敬而白佛言世尊此大乘方廣  
總持法門過去無量諸佛如來應供正徧知已曾宣  
說惟願世尊今復敷演利益安樂無量人天能令佛

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

法久住世間爾時世尊默然而許是時大自在天子知佛許已歡喜踊躍合掌作禮却住一面爾時佛告彌勒菩薩摩訶薩言阿逸多此大乘方廣總持法門非我獨說過去未來及今現在十方世界無量諸佛亦常宣說若有衆生於佛所說言非佛說又謗法僧而此謗者當墮惡道受地獄苦爾時佛告彌勒菩薩摩訶薩言若有善男子善女人發菩提心於此大乘惡道爾時世尊復告彌勒菩薩摩訶薩言阿逸多我方廣總持經典受持讀誦復爲人說當知是人不墮從成佛夜乃至將入無餘涅槃於其中間佛身口意所作所說所念所思惟頗有妄失起惡業不彌勒菩薩言不也世尊佛言彌勒如汝所說我從成道乃至涅槃於其中間所言所說皆悉真實無有虛妄若有愚人不解如來方便所說而作是言是法如是是法不如是誹謗正法及佛菩薩我說是輩趣向地獄佛言阿逸多於我滅後五濁世中若有比丘比丘尼優婆塞優婆夷實非菩薩自謂菩薩是外道人曾於過去供養諸佛發願力故於佛法律而得出家隨所至處多求親友名聞利養恣行穢汙棄捨信心成就惡行不自禁制不自調伏貪諸利養於一切法門及出行

50

1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

經

大藏經

三

大藏經

生堅固三昧皆悉遠離實無所知爲親屬故妄稱知  
 解住於詭曲口說異言身行異行阿逸多我菩提道  
 於一切衆生皆悉平等安住大悲以善方便正念不忘  
 如來安住無等力無障無礙而爲說法若有衆  
 生作如是言佛爲聲聞所說經典諸菩薩等不應習  
 學不應聽受此非正法此非正道辟支佛法亦不應  
 學復作是言諸菩薩等所修行法聲聞之人亦不應  
 學不應聽受辟支佛不應聽受彼此言行更相  
 違背不與修多羅相應於如實說真解脫法不能信  
 受依彼法者不得生天何況解脫阿逸多我今說法  
 隨其信心而調伏之如恒河沙阿逸多我今欲往十  
 方世界隨順說法利益衆生不爲實非菩薩而作菩  
 薩相者亦不爲毒惡欺誑少聞之人於我法中作二  
 說者其二說人或作是言是菩薩應學是不應學謗  
 佛汎僧是人身壞命終墮於地獄多百千劫不可得出  
 出設令得出生貧窮家至於後時雖得受記五濁惡  
 世成等正覺如我今日於是生死五濁世中成於佛  
 道以是因緣汝應聽受應當信知隨順惡友所行如  
 是阿逸多我念過去無央數劫彼時有佛名曰無垢

焰稱起王如來應供正徧知明行足善逝世間解無上士調御丈夫天人師佛世尊出現於世是時彼佛壽命八萬那由他歲爲衆說法爾時無垢焰稱起王如來法中有一比丘名曰淨命總持諸經十四億部大乘經典六百萬部爲大法師言辭清美辯才無礙利益無量無邊衆生示教利喜爾時無垢焰稱起王如來臨涅槃時告彼比丘淨命言未來世中汝當護持我正法眼爾時淨命受佛教已於佛滅後千萬歲中守護流通諸佛祕藏於此方廣總持法門受持讀誦深解義趣於彼世界八萬城中所有衆生隨其願樂廣爲宣說爾時有一大城名曰跋陀往彼城中爲八十億家隨其所樂而爲說法是時城中八十億人獲淨信心一億人衆住菩提道七十九億人住聲聞乘而得調伏爾時淨命法師復與十千比丘衆相隨俱往修菩提行爾時跋陀城中復有比丘名曰達摩於大乘經方廣正典受持千部獲得四禪唯以方廣空法化彼城中一切衆生不能以善方便隨欲而說作如是言一切諸法悉皆空寂我所說者真是佛說彼淨命比丘所說雜穢不淨此比丘實非淨命而稱淨命何以故而此比丘所受諸華不持供養而自受

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

用塗香末香亦復如是淨命比丘愚癡無智不能知我久修梵行彼旣年少出家未久我慢無信多諸放逸是諸人等無所知曉謂是淨命持戒比丘爾時達摩以其惡心謗持法者身壞命終墮於地獄經七十劫具受衆苦滿七十劫已墮畜生中過六十劫後值遇香寶光佛於彼法中發菩提心於九萬世猶生畜生中過九萬世已得生人中於六萬世貧窮下賤恒無舌根其淨命比丘於諸法中得淨信心爲人說法彼於後時得值六十三那由他佛恒爲法師具足五通勸請彼佛轉妙法輪阿逸多汝今當知過去淨命比丘者豈異人乎莫作異觀今阿彌陀佛是阿逸多汝今當知過去達摩比丘者豈異人乎莫作異觀今我身是由我過去愚癡無智毀謗他故受苦如是我以此業因緣故處五濁世成等正覺是故阿逸多若有菩薩於諸法中作二說者以是因緣後五濁世成於佛道其佛國中有諸魔等於說法時恒作障難爾時大眾聞佛說已皆悉悲泣涕淚交流俱發是言願於佛法莫作二說如達摩比丘爾時會中有百苦菩薩卽從座起右膝著地悲號墮淚爾時世尊知而故問彼菩薩言善男子汝等何爲悲號如是爾時諸菩薩

等異口同音俱白佛言世尊我等自觀亦應有此諸惡業障爾時世尊作如是言如是如是汝亦曾於過去然燈佛所在彼法中出家修道是然燈佛滅度之後時有比丘名曰智積汝等爾時諭是比丘因是已來不得見佛不能發菩提心不得陀羅尼及諸三昧後共汝等同時安住菩提之道汝等善男子此賢劫最後佛所當獲無生法忍復於後時過三阿僧祇劫行菩薩道當得阿耨多羅三藐三菩提是故善男子若菩薩見餘菩薩不應生於彼此之心當如塔想如見佛想是故菩薩見餘菩薩莫作異念謂非佛想若起異念爲自侵欺當受持此莫作異想共相和合我今觀初發心菩薩不如佛想者我便欺誑十方現在一切無量阿僧祇諸佛是故善男子菩薩未來於五濁世中得陀羅尼三昧者一切皆是佛之威力是故善男子若有詣謁其法師者卽爲謁佛等無有異善男子佛滅度後若有法師善隨樂欲爲人說法能令菩薩學大乘者及諸大衆有發一毛歡喜之心乃至暫下一滴淚者當知皆是佛之神力若有愚人實非菩薩假稱菩薩謁真菩薩及所行法復作是言彼何所知彼何所解彌勒我憶過去於閻浮提學菩薩時

1 2 3 4 5 6 7 8 9

20 1 2 3 4 5 6 7 8 9

20

愛重法故爲一句一偈棄捨所愛頭目妻子及捨王位何以故以求法故如彼愚人專爲名聞耽著利養自恃少能不往如來傳法人所聽受正法彌勒若彼此和合則能住持流通我法若彼此違諍則正法不行阿逸多汝可觀此謗法之人成就如是極大罪業墮三惡道難可出離復次彌勒我初成佛以妙智慧廣爲衆生宣說正法若有愚人於佛所說而不信受如彼達摩比丘雖復讀誦千部大乘爲人解說獲得四禪以謗他故七十劫中受大苦惱况彼愚癡下劣之人實無所知而作是言我是法師明解大乘能廣

流布謗正法師言無所解亦謗佛法而自貢高若彼愚人於佛大乘乃至誹謗一四句偈當知是業定墮地獄何以故毀謗佛法及法師故以是因緣常處惡道永不見佛以曾誹謗佛法僧故亦於初發菩提心者能作障礙令退正道當知是人以大罪業而自莊嚴於無量劫身墮地獄受大苦報以惡眼視發菩提心人故得無眼報以惡口謗發菩提心人故得無舌報阿逸多我更不見有一惡法能過毀破發菩提心罪之重也以此罪故墮於惡道況復毀謗餘菩薩等若有菩薩爲諸衆生能如實說不起斷常言諸衆生

1 2 3 4 5 6 7 8 9

20 1 2 3 4 5 6 7 8 9

20 1 2 3 4 5 6 7 8 9

定有定無亦不專執諸法有無阿逸多學菩薩者應  
 如是住如是住者是諸菩薩清淨善業凡所修習皆  
 不取著若有衆生起執著者當知是人生五濁世復  
 有菩薩善隨根欲能爲衆生種種說法阿逸多菩薩  
 如是具足修行六波羅蜜乃能成就無上菩提彼愚  
 癡人信已自執作如是說菩薩唯學般若波羅蜜勿  
 學餘波羅蜜以般若波羅蜜最殊勝故作是說者是  
 義不然何以故阿逸多往昔迦尸迦王學菩薩時捨  
 所愛身頭目髓腦爾時此王豈無智慧彌勒白佛言  
 世尊誠如聖說實有智慧佛告阿逸多我從昔來經  
 無量時具足修行六波羅蜜若不具修六波羅蜜終  
 不得成無上菩提如是世尊佛告阿逸多如汝所說  
 我曾往昔於六十劫行檀波羅蜜尸羅波羅蜜羼提  
 波羅蜜毗梨耶波羅蜜禪那波羅蜜般若波羅蜜各  
 六十劫彼愚癡人妄作是說唯修一般若波羅蜜得  
 成菩提無有是處彼懷空見故作如是不淨說法作  
 此說者身口意業與法相違雖解空法爲人宣說而  
 於空法不如說行以無行故去空義遠心懷嫉妬深  
 著利養踰於親戚阿逸多我於往昔作轉輪王捨諸  
 珍寶頭目手足猶不得成無上菩提况彼愚人爲飲

食故緣歷他家有所宣說唯讚空法言已所說是菩提道是菩薩行唯此法是餘法皆非復作是言而我所解無量法師悉皆證知彼爲名聞自讚已能憎妬明解阿逸多我見彼心規求利養以自活命雖有善行經於百劫尚不能得少法忍心何況能成無上菩提阿逸多我不爲心口相違誑惑之人而說菩提不爲嫉妬之人而說菩提不爲傲慢不敬之人而說菩提不爲無信之人而說菩提不爲不調伏人而說菩提不爲邪淫之人而說菩提不爲自是非他之人而說菩提阿逸多彼愚癡人以我慢故自謂勝佛謗佛說菩提阿逸多彼愚癡人以我慢故自謂勝佛謗佛

所說大乘經典言是聲聞小乘所說爾時佛告尊者須菩提不應爲二見人說般若波羅蜜須菩提白佛言唯然世尊如佛所說佛言如是須菩提以無著心施是名菩提須菩提言如是世尊佛言須菩提不自讚毀他施是名菩提須菩提言如是世尊佛言須菩提汝觀愚人起我我見無慚無愧爲愛親戚貪求活命好受他施當知是人專造惡業復次阿逸多菩薩於一切法於一切聲聞法莫生恐怖於一切辟支佛法亦莫恐怖於一切煩惱法亦莫恐怖於一切凡夫法亦莫恐怖於一切淨法

亦莫恐怖於難精進亦莫恐怖於是於非亦莫恐怖  
於作不作亦莫恐怖於畏不畏亦莫恐怖於有於無  
亦莫恐怖於心非心亦莫恐怖於覺不覺亦莫恐怖  
於業非業亦莫恐怖於善不善亦莫恐怖於安不安  
亦莫恐怖於解脫不解脫亦莫恐怖於修不修亦莫  
恐怖於法非法亦莫恐怖於靜於亂亦莫恐怖於假  
於實亦莫恐怖於信不信亦莫恐怖於善念不善念  
亦莫恐怖於住不住亦莫恐怖如是菩薩於一切法  
莫生恐怖阿逸多我於往昔修如是等無畏法故得  
成正覺悉能了知一切衆生心之境界而於所知不  
起知想以我所證隨機演說能令聞法諸菩薩等獲  
得光明陀羅尼印得法印故永不退轉若於此法不  
如實知言無善巧終不得成無上菩提阿逸多我爲  
四天下衆生說此法時是諸衆生以佛神力各自見  
釋迦如來爲我說法如是次第乃至阿迦尼吒天彼  
諸衆生亦謂如來唯爲我說如一四天下乃至三千  
大千世界亦復如是此諸衆生成作是念釋迦如來  
獨生我國唯爲於我轉大法輪阿逸多我以如是大  
方便力能於無量無邊世界常於晨朝徧觀衆生所  
應化者而爲說法於中及暮恒以法眼等觀衆生於

1 2 3 4 5 6 7 8 9 20 1 2 3 4 5 6 7 8 9 20

彼世界而爲衆生說一切法如是無量諸佛境界所有衆生學菩薩者應如是修若彼愚人於佛所說謗非正法妄執自解用爲真實若謗法者則不信佛以此惡業墮於地獄具受衆苦永不聞法復次阿逸多汝當受持如來密教以善方便廣爲人說爾時文殊師利童子福光平等菩薩現無疑惑菩薩定發心菩薩妙心開意菩薩光明菩薩歡喜王菩薩無畏菩薩心念徧到無邊佛刹菩薩觀世音菩薩香象菩薩滅一切惡業菩薩住定菩薩百千功德莊嚴菩薩妙音遠詔聞菩薩一切智不忘菩薩大名遠震寶幢莊嚴菩薩求一切法菩薩住佛境界菩薩月光莊嚴菩薩一切世間大衆莊嚴菩薩如是等菩薩摩訶薩曰佛言世尊如是如是誠如聖說我等於此東方過二十恒河沙佛刹於諸佛所恭敬禮拜一一佛刹唯日釋迦如來出現於世我等於其七日之中徧遊十方亦見釋迦如來出現於世不覩餘佛徧遊歷已還歸本土聽受正法爾時佛告文殊師利童子汝今諦觀如來智慧不可思議如來境界亦不可思議如是無等等是如來法彼愚癡人作如是說唯一般若波羅蜜是如來行是菩薩行是甘露行佛告文殊師利作此說

者與法相違何以故菩薩行法具足甚難無著行是  
菩薩行無我我行是菩薩行空行是菩薩行無相行  
是菩薩行文殊師利如是等行是菩薩行學菩薩者  
如是受持若彼愚人心懷邪見當知是人不了我法  
文殊師利汝等諸菩薩守護身口於不善法勿令放  
逸堅固其心使不退轉爲諸衆生具足說法亦當自  
身住於法中我從久遠阿僧祇劫具足成就無上菩  
提以善方便廣爲人說令諸衆生遠離惡趣文殊師  
利若有愚人謗微妙法卽是謗佛亦名謗僧又作此  
說此法是彼法非如是說者亦名謗法此法爲菩薩  
說此法爲聲聞說作是說者亦名謗法此是菩薩學  
此非菩薩學作是說者亦名謗法復作是言過去佛  
已滅未來佛未至現在佛無住唯我獲得陀羅尼法  
作此說者亦名謗法以謗法故言得陀羅尼者是不  
淨法於真法師毀謗所修復謗法師雖有解慧不如  
說行復謗法師行違於道復謗法師身不持戒復謗  
法師心無智慧復謗法師意無明解復謗法師言無  
辯了復於如來所說文字心無信受復作是言此修  
多羅是此修多羅非此偈經是此偈經非此法可信  
此法不可信見正說者妄作異論於聽正法者爲作

1 2 3 4 5 6 7 8 9

20 1 2 3 4 5 6 7 8 9

20

留礙此是行此非行此成就此非成就此是時此非時諸如此說皆名謗法復次文殊師利若聲聞說法若菩薩說法當知皆是如來威神護念力故令諸菩薩等作如是說文殊師利如彼愚人於佛現在猶生誹謗況我滅後受持我法諸法師等而不被謗何以故魔眷屬故當知是人墮於惡道如彼愚人貪求利益以活親屬於如來法心無信念而復破壞如來教法彼人親戚以朋黨心往婆羅門家及長者所作如是說讚彼愚人於法於義能知能解明達根欲善爲人說受他信施曾無慚愧以謗法故身及眷屬俱墮地獄文殊師利我終不爲無信之人說菩薩行亦不爲貪著在家之人說清淨法不爲二見之人說解脫法不爲一見之人說出世法不爲樂世之人說真淨法文殊師利我於恒河沙等法門以無著心爲人演說又於恒河沙等法門以有著心爲衆生說若有樂空衆生爲說空法若有樂智衆生爲說智法若有樂無相衆生爲說無相法若有樂有相衆生說有相法若有樂慈衆生爲說慈法若有樂因緣衆生說因緣法若有樂無因緣衆生說無因緣法此是有法儀法此是無威儀法此是空法此是有法此是有爲法此

1 2 3 4 5 6 7 8 9 10

1 2 3 4 5 6 7 8 9 10

是無爲法此是攝受法此是覆蓋法此是凡夫法此是聖人法此是色法此是不善法此是愚人法此是定法佛告文殊師利如是等一切法是般若波羅蜜道彼愚癡人在所言說不依如來真淨教法謗佛正法爾時文殊師利童子白佛言世尊如佛所說如是愚人以近惡友現身起謗如是世尊以何因緣能免斯咎佛告文殊師利我於往昔七年之中晝夜六時懺悔身口及與意業所作重罪從是已後乃得清淨經十劫已獲得法忍文殊師利當知此經是菩薩乘未覺悟者能今覺悟聞說此經若不信受以此謗因

墮於惡道是諸菩薩明受我法然後乃可爲人宣說如是受持能遠惡趣佛告文殊師利有四平等法菩薩當學云何爲四一者菩薩於一切衆生平等二者於一切法平等三者於菩提平等四者於說法平等如是等四法菩薩當知是四種法菩薩知已爲衆生說若有信者遠離惡趣若不信者當墮惡道若有善男子善女人住此四法當知是人不墮惡趣復有四法云何爲四一者於諸衆生心無退轉二者於諸法師而不輕毀三者於諸智人心不生謗四者於諸如來一切所說恒生尊重如是四法若有善男子善女

1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

人能善修學終不墮於諸惡趣中復次文殊師利菩薩以恒河沙等諸佛刹土滿中七寶於恒河沙劫日日奉施恒河沙等諸佛世尊若有善男子善女人能於如是大乘方廣微妙經典乃至一句一偈讀誦三徧所獲功德勝前布施所得功德若有誦持此經典者所獲功德倍多於彼設復有人修行布施持戒忍辱精進禪定智慧六波羅蜜所得功德亦不能及文殊師利如此經典名義廣大無與等者汝諸菩薩摩訶薩應善修學受持讀誦廣爲衆生分別解說爾時一切大衆乃至十方諸來菩薩摩訶薩等俱白佛言

世尊如是如是如佛所說我等受持說此法時三十恒河沙諸菩薩等得無生法忍七十恒河沙諸菩薩等於阿耨多羅三藐三菩提得不退轉復有六十三億百千那由他三千大千世界一切大衆聞佛所說心生歡喜於八十劫度生死流復於阿耨多羅三藐三菩提得不退轉經六十三劫已具足成就無上菩提彼諸菩薩及一切大衆天龍夜叉乾闥婆阿修羅迦樓羅緊那羅摩睺羅伽人非人等聞佛所說皆大

歡喜作禮奉行

大乘方廣總持經

1 2 3 4 5 6 7 8 9 200

1 2 3 4 5 6 7 8 9 200

1 2 3 4 5 6 7 8 9 200

音釋

欠咗

呴丘加切欠咗謂氣  
壅滯欠咗而解也

太子須大拏經

出六度集  
經第二卷

乞伏秦三藏法師釋聖堅譯

聞如是一時佛在舍衛祇洹阿難邠抵阿藍時與無央數比丘比丘尼優婆塞優婆夷俱在四部弟子中央坐時佛微笑口中五色光出阿難從座起整衣服叉手長跪白佛言我侍佛以來二十餘年未嘗見佛妄笑如今日也今佛爲念過去當來今現在佛乎獨當有意願欲聞之佛語阿難我亦不念去來今佛也我自念過去無央數阿僧祇劫行檀波羅蜜事耳阿難問佛言何等爲行檀波羅蜜事佛言往昔過去不

吳江居士周祇施資刻此

大乘方廣總持經

嘉禾沙門道梅對吳門徐普書進賢洪國用刻

萬曆甲辰孟春月徑山寂照庵識

1 2 3 4 5 6 7 8 9 20

1 2 3 4 5 6 7 8 9 20

22

可計劫時有大國名爲葉波其王號曰濕波以正法治國不枉人民王有四千大臣主六十小國八百聚落有大白象五百頭王有二萬夫人了無有子王自禱祠諸神及山川夫人便覺有娠王自供養夫人牀卧飲食皆令細軟至滿十月太子便生宮中二萬夫人聞太子生悉皆歡喜踊躍乳渾自然出以是之故便字太子爲須大拏有四乳母養護太子中有乳太子者中有抱太子者中有洗浴太子者中有將太子行遊戲者太子至年十六書計射御及諸禮樂皆悉備工太子承事父母如事天神王爲太子別立宮室

太子小小以來常好布施天下人民及飛鳥走獸願令衆生常得其福愚人慳貪不肯布施愚惑自欺無益於己智者居世則知布施爲德布施之士皆爲過去當來今現在佛辟支佛羅漢所共稱譽太子年遂長大王爲太子納妃妃名漫祇國王女也端正無雙以妙琉璃金銀雜寶瓔珞其身太子有一男一女太子自思惟欲行檀波羅蜜事太子報王欲出遊觀王卽聽之太子便出城天王釋下化作貧窮聾盲瘡瘍之人悉在道邊太子見之卽廻車還宮大愁憂不樂王問太子出遊來還何故不樂太子白王言我適出

1 2 3 4 5 6 7 8 9 20

1 2 3 4 5 6 7 8 9 20

21

續卷之三

十四

遊見諸貧窮聾盲瘡瘍人是故愁憂耳我欲從王乞求一願不審大王當見聽不王答太子欲願何等在汝所索耳不違汝意太子言我願欲得大王中藏所有珍寶置四城門外及著市中以用布施在所求索不逆人意王語太子恣汝所欲不違汝也太子即使傷臣輦取珍寶著四城門外及著市中以用布施恣人所索八方上下莫不聞知太子功德者四遠人民有從百里來者千里來者萬里外來者人欲得食者與食欲得衣者與衣欲得金銀珍寶者恣意與之在所欲得不逆其意時有敵國怨家聞太子好喜布施在所求索不逆人意卽會諸臣及衆道士共集議言葉波國王有行蓮華上白象名須檀延者多力健鬪每與諸國共相攻伐此象常勝誰能往乞者諸臣咸言無能往得者中有道士八人卽白王言我能往乞之當給我資糧王卽給之王便語言能得象者我重賞汝道士八人卽行持杖遠涉山川詣葉波國至太子宮門下俱拄杖翹一脚向門而立時守門者入白太子外有道士悉皆拄杖俱翹一脚住自說言故從遠來欲有所乞太子聞之甚大歡喜便出迎之前爲作禮如子見父因相勞問何所從來行道得無勤苦

1 2 3 4 5 6 7 8 9 200

1 2 3 4 5 6 7 8 9 200

2222

欲何所求索用翹一脚爲乎道士八人言我聞太子好喜布施在所求索不逆人意太子名字流聞八方上徹蒼天下至黃泉布施之功德不可量遠近歌誦莫不聞知人說太子實不妄也今爲天人之子天人所言終不欺也如今太子審布施不逆人意者欲從太子乞丐行蓮華上白象太子卽時至象廄中令取一象去道士八人言我正欲得行蓮華上白象名須檀延者太子言此大白象是我父王之所愛重王視白象如視我無異不可以與卿若與卿者我卽失父王意或能坐此象遂我令出國太子卽自思惟念言

我前有要願在所布施不逆人意今不與者違我本心若不以此布施者從何當得成無上平等度意聽當與之以成無上平等之度太子言諾大善願以相與卽敕左右象被金銀鞍勒疾牽來出太子左右持水澡婆羅門手右手牽象以授與之八人得象卽卽願太子呪願畢已累騎白象歡喜而去太子語婆羅門言疾去王若知者便逐奪卿時婆羅門卽便疾去國中諸臣聞太子以健白象布施怨家皆大驚怖從床而墮愁憂不樂念言國家但怙此象以却敵國耳諸臣皆往白王太子以國中却敵之寶象布施怨家

1 2 3 4 5 6 7 8 9 20

1 2 3 4 5 6 7 8 9 20

22

大王聞愕然臣復白王今王所以得天下者有此象故也此象勝於六十象力而太子用乞怨家將恐失國當奈之何太子如是自恣布施中藏日空三四歲中臣恐舉國及妻子皆以與人王聞臣語益大不樂因呼一大臣而問之曰太子審持白象與怨家不大臣答言實以與之王聞臣言乃更大驚從床而墮悶不知人以水灑之良久乃甦二萬夫人亦皆不樂王與諸臣共議言當奈太子何中有一臣言以腳入象廁中者當截其脚手牽象者當截其手眼視象者當挑其眼或言當斷其頭諸臣共議各言如是王聞是

語甚大愁憂語諸臣言兒大好道喜布施人奈何禁止拘閉之也中有一大臣嫌諸臣議不當爾也王唯有是一子耳甚愛重之此王之太子云何欲刑殘乃生是心耶大臣白王言臣亦不敢使大王禁止拘閉太子也但逐令出國安置野田山中十二年許當使慚愧王卽隨此大臣所言卽遣使者召問太子汝持白象與怨家不太子白王實以與之王問太子汝何故持我白象以與怨家而不白我太子白言前已與王自有要令諸所布施不逆人意是以不白王耳王言前所要者自謂珍寶白象何預太子報言此皆是

王之所有物何得獨不在中耶王語太子速出國去  
徙汝著檀特山中十二年太子白王言不敢違戾大  
王教令願復布施七日展我微心乃出國去王言汝  
正坐布施太劇空我國藏失我却敵之寶故逐汝耳  
不得復往布施七日速疾出去不聽汝也太子白言  
不敢違戾大王教令今我自有私財願得布施盡之  
乃去不敢復煩國家財寶二萬夫人共詣王所請留  
太子布施七日乃令出國王卽聽之太子便使左右  
普告四遠其有欲得財物者悉詣宮門隨所欲得人  
有財物不可常保會當壞散四方人民皆來詣門太  
子爲設飯食施與珍寶恣意而去七日財盡貧者得  
富萬民歡喜太子語其妻疾起聽我言大王今逐我  
著檀特山中十二年妃聞太子言愕然驚起曰太子  
有何過而王乃當至是乎太子報言用我布施太劇  
空虛國藏以健白象施與怨家王及傍臣用是之故  
恚共逐我耳漫坻言使國豐溢願令大王及諸傍臣  
吏民大小富樂無極但當努力共於山中求索道耳  
太子言人在山中恐怖之處致難爲心虎狼猛獸大  
可畏也汝快僑樂何能忍是汝在宮中衣卽細軟止  
卽幃帳飲食甘美恣口所欲今在山中卧卽草蓐食

則果蓏汝奈何樂是又多風雨雷電霧露使人毛登  
寒則大寒熱則大熱樹木之間不可依止加地有蒺  
藜礫石毒蟲汝何能忍是漫坻言我當用是細輶幃  
帳甘美飲食者爲何而與太子別乎我終不能相遠  
離也會當與太子相隨去耳王者以旛爲幟火者以  
烟爲幟婦人者以夫爲幟我但依怙太子耳太子者  
我之所天太子在國時布施四遠我常與太子共之  
今太子遠去若有來乞丐者我當應之云何我聞人  
來索太子我當感死何疑太子言我好布施不逆人  
意有人從我乞兒索汝者我則不能不與之汝若不

順我言卽亂我善心可不須去漫坻言聽隨太子在  
所布施莫得休懈世間布施未有如太子者也太子  
言汝能爾者大善太子與妃及其二子共至母所辭  
別欲去白其母言願數諫大王以正法治國莫邪枉  
人民母聞太子辭別如是感激悲哀語傷人言我身  
如石心如剛鐵奉事大王未嘗有過今唯有一子而  
捨我去我心何能不破裂如死耶兒在腹中如樹木  
葉日夜長大養子適大而捨我去諸夫人皆當快我  
王不復敬我天不違我願使我子速還國耳太子與  
妃及其二子俱爲父母作禮於是而去二萬夫人以

1

2 3 4 5 6 7 8 9 10 1 2 3 4 5 6 7 8 9 10

真珠各一貫以與太子四千大臣作七寶珠華奉上  
 太子太子從中宮北出城門悉以七寶珠華布施四  
 遠來人卽時皆盡國中吏民大小數千萬人共送太  
 子者皆竊議言太子善人是國之神父母何能遂是  
 珍寶之子乎觀者皆共惜之太子於城外樹下坐辭  
 謂來送者可從此而還更民大小垂淚而歸太子與  
 妃二子共載自御而去前行已遠止息樹下諸婆羅  
 門來乞馬太子卽卸車以馬與之以二子著車上妃  
 於後推自於轅中步挽而去適復前行復逢婆羅門  
 來乞車太子卽以車與之適復前行復有婆羅門來  
 乞太子言我不與卿有所愛惜我財物皆盡婆羅門  
 言無財物者與我身上衣太子卽解寶衣與之更著  
 一故衣適復前行復逢婆羅門來乞太子以兩兒衣服  
 與之轉復前行復逢婆羅門來乞太子以兩兒衣服  
 與之太子布施車馬錢財衣服了盡無所復有初無  
 悔心大如毛髮太子自負其男妃負其女步行而去  
 太子與妃及其二子和顏歡喜相隨入山檀特山去  
 葉波國六千餘里去國遂遠行在空澤中大苦飢渴  
 忏利天王釋卽於曠澤中化作城郭市里街巷妓樂  
 衣被飲食城中有人出迎太子便可於此留止飲食

1 2 3 4 5 6 7 8 9 200

1 2 3 4 5 6 7 8 9 200

1 2 3 4 5 6 7 8 9 200

經

卷之三

十四

以相娛樂妃語太子行道甚極可暇止此不太子言  
父王徙我著檀特山中於此留者違父王命非孝子  
也遂便出城顧視不復見城轉復前行到檀特山山  
下有大水深不可渡妃語太子且當住此須水減乃  
渡太子言父王徙我著檀特山中於此住者違父王  
教非孝子也太子卽入慈心三昧水中便有大山以  
堰斷水太子卽與妃褰裳而渡渡已太子卽心念言  
便爾去者水當澆灌殺諸人民及蜎飛蠕動太子卽  
還顧謂水言復流如故若有欲來至我所者皆當令  
得渡太子語適巴水卽復流如故前到檀特山中太  
子見山嶽峩峨樹木繁茂百鳥悲鳴流泉清池美  
水甘果鳬鷹鶲翡翠鴛鴦異類甚衆太子語妃觀  
是山中樹木參天無折傷者飲此美泉歟是甘果而  
是山中亦有學道者太子入山山中禽獸皆大歡喜  
來迎太子山上有一道人名阿州陀年五百歲有絕  
妙之德太子作禮却住白言今在山中何許有好甘  
果泉水可止處耶阿州陀言是山中者普是福地所  
在可止耳道人卽言今此山中清淨之處卿云何將  
妻子來而欲學道乎太子未答漫抵卽問道人言在  
此學道爲幾何歲道人答言止此山中四五百歲漫

抵謂言計有吾我人者何時當得道耶雖久在山中亦如樹木無異不計吾我人者乃可得道道人言我實不及如此事也太子卽問道人言頗聞葉波國王太子須大拏不道人言我數聞之但未曾見耳太子言我正是須大拏也道人問太子言所求何等太子答言欲求摩訶衍道人言太子功德乃爾今得摩訶衍不久也太子得無上正真道時我當作第一神足弟子道人卽指語太子所止處太子則法道人結頭編髮以泉水果蓏爲飲食卽取柴薪作小草屋升爲漫抵及二小兒各作一草屋凡作三草屋男名耶利

年七歲著草衣隨父出入女名罽拏延年六歲著鹿皮衣隨母出入山中禽獸悉皆歡喜來依附太子太子適一宿山中空池皆生泉水枯木諸樹皆生華葉諸毒蟲獸皆爲消滅相食噉者皆自食草諸雜果樹自然茂盛百鳥嚶嚶相和悲鳴漫抵出行採果以飼太子及其男女二兒亦復捨父母行在於水邊與禽獸共戲或有宿時時男耶利騎師子上戲師子跳躍便墮耶利小傷其面而便血出獮猴便取樹葉拭其面血將至水邊以水而洗太子亦遙見之時鳩留國有一貧窮婆羅年至四十乃取婦婦大端正婆羅

1 2 3 4 5 6 7 8 9 20 1 2 3 4 5 6 7 8 9 20

門有十二醜身體黑如漆面上三醜鼻正匾匱兩目復青面皺脣侈語言謇吃大腹凸體脚復繚戾頭復領禿狀類似鬼其婦惡見呪欲令死婦行汲水道逢諸年少嗤說其壻形調笑之問言汝絕端正何能爲是人作婦耶婦語年少言是老公頭白如霜著樹朝暮欲令其死但無奈其不肯死何婦持水啼而且歸語其壻言我適取水年少曹輩共形調我當爲我索奴婢我有奴婢者便不復自行汲水人亦不復笑我壻言我極貧窮當於何所得奴婢耶婦言不爲我索奴婢者我便當去不復共居婦言我聞太子須大拏坐布施太劇故父王徙著檀特山中有一男一女可往乞之壻言檀特山去此六千餘里初不山行當於何所而行求之乎婦言不爲我求奴婢者我當自經死耳壻言寧殺我身不欲令汝死也壻言汝欲令我行者當給我資糧婦言便去無有資糧婆羅門自辦資糧涉道而去於是婆羅門逕詣普波國至王宮門外問守門者曰太子須大拏今爲所在守門者卽入白王言外有婆羅門來問索太子王聞人來索太子心感且恚自念言但坐是輩故逐太子今此人復來耶王便自說喻言如火自熾復益其薪今我愁憂譬

1

2

3

4

5

6

7

8

9

200

1

2

3

4

5

6

7

8

9

200

1

2

3

4

5

6

7

8

9

200

1

2

3

4

如火熾人來問太子如益其薪婆羅門言我從遠來聞太子名上徹蒼天下至黃泉太子布施不逆人意故從遠來欲有所得王言太子獨處深山甚大貧窮當何以與汝耶婆羅門言太子雖無所有貴欲相見耳王卽使人指示道徑婆羅門卽行詣檀特山至大水邊但念太子卽便得渡時婆羅門遂入山中逢一獵師問言汝在山中頗見太子須大拏不獵者素知太子坐布施諸婆羅門故徙在山中獵者便取婆羅門縛著樹以捶鞭之身體悉破罵言我欲射汝腹用問太子爲婆羅門自念今當爲子所殺耶當作一詭

語耳便言汝不當問我耶獵者問曰汝欲何說婆羅門言父王思見太子故遣我來追呼太子令還國耳獵者便解放逆辭謝之實不相知指示其處婆羅門卽到太子所太子遙見婆羅門來甚大歡喜迎爲作禮因相勞問何所從來行道得無疲極何所索乎婆羅門言我從遠方來舉身皆痛又大飢渴太子卽請婆羅門入坐出果蓏水漿著其前婆羅門飲水食果竟便語太子言我是鳩留國人也久聞太子好喜布施名聞十方我大貧窮欲從太子有所乞丐太子言我不與卿有所愛也我所有盡賜無以相與婆羅門

1 2 3 4 5 6 7 8 9 20

1 2 3 4 5 6 7 8 9 20

22

言若無者與我兩兒以爲給使可養老者如是至三  
太子言卿故遠來欲得我男女奈何而不相與時兩  
兒行戲太子呼語兒言此婆羅門遠來乞汝我以許  
之汝便隨去兩兒走入父腋下淚出且言我數見婆  
羅門未嘗見是輩此非婆羅門爲是鬼耳今我母行  
採果未還而父持我與鬼作食定死無疑今我母來  
索我不得當如牛索其犢子便啼哭號泣愁憂太子  
言我已許之何從得止是婆羅門耳非是鬼也終不  
敢汝汝便隨去婆羅門言我欲發去恐其母來便不  
復得去卿持善心與我母來卽敗卿善意太子報言

我從生已來布施未嘗有悔也太子卽以水潔婆羅  
門手牽兩兒授與之地爲震動兩兒不肯隨去還至  
父前長跪爲父言我宿命有何罪今復遭值此乃以  
國王種爲人作奴婢向父悔過從是因緣罪滅福生  
世世莫復值遇是太子語兒言天下恩愛皆當別離  
一切無常何可保守我得無上平等道時目當度汝  
兩兒語父言爲我謝母今便永絕恨不面別自我宿  
罪當遭此苦念母失我憂苦愁勞婆羅門言我老且  
羸小兒各當捨我還其母所我當奈何得之當縛付  
我耳太子卽反兩兒手使婆羅門自縛之繫令相連

總持繩頭兩兒不肯隨去以捶鞭之血出流地太子見之淚出墮地地爲之沸太子與諸禽獸皆送兩兒不見乃還諸禽獸皆隨太子還至兩兒戲處號呼宛轉而自撲婆羅門竟持兩兒去兒於道中以繩繞樹不肯隨去冀其母來婆羅門以捶鞭之兩兒言莫復搃我我自去耳仰天呼言山神樹神一哀念我今當遠去爲人作奴婢不見母別可語我母捨果蓏疾來與我相見母於山中左足下痒右目復瞓兩乳汁出母便自思惟未嘗有是怪當用此果爲宜歸視我兒得無有他故便棄果走歸第二忉利天王釋知太子

以兒與人恐妃敗其善心便化作師子當道而蹲妃語師子卿是獸中王我亦人中之王女共在山中願小相避使得過去我有二子皆尚幼小朝來無所食噉但望待我耳師子知婆羅門去遠乃起避道令妃得過妃還見太子獨坐不見兩兒自至其草屋中索之不見復至兒屋中索之不見復至兒常所戲水邊亦復不見但見兒所共戲禽獸鳩鹿師子獮猴皆在漫坻前自撲號呼所戲池水爲之空竭漫坻便還至太子所問太子兩兒爲何所在太子不應漫坻復言兒遙見我持果走來趣我躋地復起跳踉呼言阿母

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

經

卷之二十一

正

不四

來歸我坐時皆在左右見我肩上有塵土卽爲拂去  
之今亦不見兒兒亦不來附我爲持與誰乎今不見  
之我心摧裂早語我處莫令我發狂如是至三太子  
不膺漫抵益更愁毒言不見兩兒尚復可耳今太子  
不膺益令我迷荒太子語言鳩留國有一婆羅門來  
從我乞兩兒便以與之妃聞太子語便感激躰地如  
太山崩宛轉啼哭而不可止太子言且止汝識過去  
提和竭羅佛時本要小耶我爾時作婆羅門子字鞞  
多衛汝作婆羅門女字須羅陀汝持華十莖我持銀  
錢五百買汝五華欲以散佛汝以二華寄我上佛而  
求願言願我後生常爲卿妻我爾時與汝要言欲爲  
我妻者當隨我意在所布施不逆人心唯不以父母  
施耳其餘施者皆隨我意汝爾時答我言可今以兒  
布施而反亂我善心耶妃聞太子言心意開解便識  
宿命聽隨太子布施疾得心所欲天王釋見太子布  
施如此卽下試太子以欲何求化作婆羅門亦復有  
十二醜到太子前而自說言常聞太子好喜布施在  
所求索不逆人意故來到此願乞我妃太子言諾大  
善可得妃言今以我與人誰當供養太子者太子言  
今不以汝施者何從得成無上平等度意太子以水

經

卷之二十一

正

不四

1 2 3 4 5 6 7 8 9 20

1 2 3 4 5 6 7 8 9 20

22

潔婆羅門手牽妃以授與之釋知太子了無悔意諸天讚歎天地大動時婆羅門便將妃去行至七步尋將妃還以寄太子莫復與人也太子言何爲不取豈有惡乎諸人婦中是婦爲善現國王子其父唯有是一女耳是婦以我故自投湯火中飲食麤惡而尚不避所爲精進面貌端正卿今取去我心乃喜婆羅門語太子言我非婆羅門是天王釋故來相試耳欲願何等卽復釋身端正姝好妃卽作禮從索三願一者令將我兒去婆羅門還賣著我本國中二者令我兩兒不苦飢渴三者令我及太子早得還國天王釋言

當如所願太子言願令衆生皆得度脫無復生死老病之苦天王釋言大哉所願巍巍無上若欲生天作日月中王世間帝王住延壽命我能相與如卿所說三界之特尊非我所及也太子言今且願我令得大富常好布施又勝於前令我父王及諸傍臣皆思見我天王釋言必如所願忽然不見鳩留國婆羅門得兒還歸家婦逆罵之何忍持此兒來還此兒國王種而無慈仁心撗捶令生瘡身體皆膿血促持行銜賣更求可使者婿便隨婦言卽行銜賣之天王釋言行環市井言此兒貴無有能買者兒適飢渴天以自然

1 2 3 4 5 6 7 8 9 210 1 2 3 4 5 6 7 8 9 210

氣令兒得飽滿天王化其意乃至葉波國國中大臣及諸人民識知是太子兒大王之孫舉國大小莫不悲哀諸臣卽問所從得兒婆羅門言我自乞得用問我爲諸臣言卿來入我國我亦應問卿大臣人民便欲奪取婆羅門兒中有長者而諫之曰斯乃太子布施之心以至於此而今奪之不當顧違太子之本意耶不如白王王聞知者自當贖之於是乃止諸臣白王言大王兩孫今爲婆羅門之所銜賣王聞大驚卽呼婆羅門便將兒入宮王與夫人及諸侍臣後宮奴女遙見兩兒莫不哽咽王問婆羅門何緣得此兒婆

羅門答言我從太子乞丐得耳王呼兩兒而欲抱之兒皆涕泣不肯就抱王問婆羅門賣兒索幾錢婆羅門未及得對男兒便言男直銀錢一千特牛一百頭女直金錢二千特牛二百頭王言男兒人之所珍何故男賤而女貴耶兒言後官妓女與王無親或出微賤或但婢使王意所幸便得尊貴被服珍寶飲食百味王獨有一子而逐之於深山日日自與宮女相娛樂了無念子之意是以明知男賤而女貴也王聞是語感激悲哀號泣交迸言我大負汝汝何故不就我抱恚我乎畏婆羅門耶兒言不敢怨大王亦不畏婆

1 2 3 4 5 6 7 8 9 20 1 2 3 4 5 6 7 8 9 20

經

卷之三

十一

右四

羅門本是大王孫今爲人奴婢何有人奴婢而就國王抱是故不敢耳王聞是語倍增悲愴卽如其言顧婆羅門更呼兩兒抱兒便就王抱王抱兩孫摩抄其身問兩兒言汝父在山中何所飲食被服何等兩兒答言食果蔬菜茹被褐爲服飾百鳥相娛樂亦無愁憂心王卽遣婆羅門去男兒白王此婆羅門大苦飢渴願賜其一食王言汝不忿恚之耶何故復爲索食耶兒言我父好道無復財物可用布施者以我丐之則是我大家我尚未得爲之走使以副我父道意今何忍見其飢渴而無慈心我父乃以兒丐人大王何

惜一食耶王卽賜食婆羅門食畢歡喜還國王遣使者促迎太子還本國使者受教往迎太子礙水不得渡但念太子卽便得渡往到太子所便以王命而告太子宜速還國王思見太子太子答言王徙我著山中十二爲期年尚有一年在年滿自當歸使者還白王具說太子語王更復作手書以與太子汝是智慧之人去者亦當忍來者亦當忍云何恚不還須汝飲食耳使者復賈書往太子所太子得書頭面著地作禮却遶七匝已便發視之山中諸禽獸聞太子當還跳踉宛轉自撲而號呼泉水爲空竭禽獸爲不乳百

鳥皆悲鳴用失太子故太子卽著衣與妃俱還敵國  
怨家聞太子當還卽遣使者速被白象金銀鞍勒以  
金鉢盛銀粟銀鉢盛金粟逆於道中以還太子辭謝  
悔過言前乞白象患癡故耳坐我之故遠徙太子今  
聞來還內懷歡喜今以白象奉還太子及上金銀之  
粟願垂納受以除罪咎太子答言譬如有人設百味  
食持有所上其人食已嘔吐在地豈復香潔可更食  
不今我布施譬亦若吐終不復還受便乘象去謝汝  
國王苦屈使者遠相勞問於是使者卽乘象還白王  
如是因此象故敵國之怨化爲慈仁國王及衆皆發  
無上平等度意父王乘象出迎太子太子便前頭面  
作禮從王而歸國中人民莫不歡喜散華燒香懸繒  
旛蓋香汁灑地以待太子太子入宮卽到母前頭面  
作禮而問起居王以寶藏以付太子恣意布施轉勝  
於前布施不休自致得佛佛告阿難我宿命所行布  
施如是太子須大拏者我身是也時父王者今現我  
父閻頭檀是也爾時母者今現我母摩耶是也時妃  
者今瞿夷是時山中道人阿州陀者摩訶目犍連是  
時天王釋者舍利弗是時射獵者阿難是時男兒耶  
利者今現我子羅雲是時女兒罽拏延者今現羅漢



1 2 3 4 5 6 7 8 9 200 1 2 3 4 5 6 7 8 9 200

佛說如來智印經

一  
名諸佛  
法身經

僧祐錄失譯人名開元附劉宋錄

如是我聞一時佛在王舍城迦蘭陀竹園與大比丘衆千二百五十人俱菩薩三萬億皆得陀羅尼住空無相無願三昧無著法門得陀羅尼門知一切衆生諸相具足及不具足又知衆生一切所行爾時世尊卽入佛境界三昧無色無執無示無形無施設無根本無變無得無我無主作無不作無來無去無住無攀緣無爲非爲非相應非不相應無心非心行非實非不實非自在非近非雜諸法入是三昧時不見如

來身及身相不見心及心相不見衣不見坐不見所坐不見行如是三昧生諸功德是佛境界卽於此定放大光明遍照三千大千世界於此世界日月星辰妙寶神珠火光電耀天宮釋宮乃至梵宮光悉不現如來三昧力故三千世界聞衆妙香無有餘天聞光香者一切世界中間幽冥之處佛光普照莫不大明所迦羅山摩訶所迦羅山須彌山王及諸名山其中衆生不見本相爾時三千大千世界七寶羅網彌覆其上現希有相一切世界生奇妙華迦蘭陀竹園及耆闍崛山通爲一會坦然平正生千葉蓮華大如車輪華上皆有七寶羅網莊飾嚴麗垂布如雲摩竭提界皆柔軟如迦陵伽衣爾時東方恒沙世界諸佛告萬阿僧祇菩薩皆一生補處汝往娑婆世界其國有佛名釋迦牟尼如來應供正徧知當說入一切佛境三昧名如來智印佛今入此定也若有菩薩聞此三昧勝百千劫行六波羅蜜汝應往聽彼諸菩薩各以神力如屈伸臂頃至娑婆世界迦蘭陀竹園前詣佛所頂禮佛足繞佛七匝坐蓮華座南西北方四維上下亦復如是時此三千大千世界聲聞緣覺及發大心者皆悉來集俱詣竹園共至佛所於此世界復有

八十億菩薩於一念頃一時來集於四部衆次第而坐復有三十萬聲聞承佛禪定皆悉在會此三千大千世界釋提桓因護世四王乃至大自在天淨居天等一切龍王一切夜叉王一切乾闥婆王一切迦樓羅王一切和修那王各與眷屬無數圍繞而來集會頂禮佛足隨次就坐時此三千大千世界大威德衆皆悉雲集上至梵世無空缺處爾時舍利弗大目犍連摩訶迦葉摩訶俱緋羅摩訶迦旃延須菩提彌彌陀尼子問文殊師利如來今在何處以何色像見如來乎如來係念其相云何文殊答言汝諸聲聞大

智成就三昧自在各以定力觀察佛身及係念處爲在何所諸大聲聞入三昧觀不見佛身及係念處時諸聲聞於此三千大千世界觀察推求不見佛身不見身相如是文殊師利不見如來及係念處我今云何得見佛身文殊答曰且待須臾自當見佛爾時世尊從三昧起三千世界卽大震動佛身殊特威光顯耀爾時舍利弗白佛言世尊如來所入三昧以何爲相諸大聲聞慧眼觀察悉不能見此三昧者以何境界爾時佛告舍利弗此三昧者無緣無處是佛境界非一切聲聞緣覺所知如是舍利弗如來境界不可

思議是佛神力舍利弗佛身真實非身非作非起非滅亦非長養非化非信寂滅無爲無跡無行無此無彼本性清淨無有一法非受非願非生非報非見非聞非覺非施設非艱非嘗非觸非惱非籌量非對非心非憶非思非非思非入非來非去去來道斷非影非瑕非斷非物非實非作非造非成就非取非覆非現非依非暗非明寂靜非寂靜常住靜定淨非淨本性清淨無有一法非生非起非愛寂住非處非動非患非語非法非非法非福田非不福田非盡非非盡捨諸著名爲空非違諍無音聲離名字捨憶想非相應非不相應非滅非不滅非量非不量非往非反非二非不二非此岸非彼岸非中流非分非非分非業非報非聽非思非量非障非相非非相非門非離非著樂行諸法法同相如真實爲度衆生實無所度解未解者調未調者救未救者示無二法非等非非等非相似非不相似無等甘露等非空等無處等無得等寂滅盡滅善調伏行處轉不退輪決定無疑非雜異非二法所習清淨本行威儀解脫具足非長非短非方非圓非身相非陰相非入相非界相非有爲起非無爲起非無爲真實非命非非命非生非現無

1 2 3 4 5 6 7 8 9 20

1 2 3 4 5 6 7 8 9 20

22

有見者非實生非言說非忍身相不動非倒非搖非  
實非憶非和合非作非不作非明非相非涅槃不入  
涅槃非定非非定佛告舍利弗是名如來身相一切  
衆生皆依於相有能知此三昧者不唯然世尊一切  
相中不得佛身爾時世尊欲增廣如來智印三昧而  
說偈言

如身非身身解脫

無作無壞亦無得

法非相應不相應

是爲顯示善逝身

非合不合無染著

非執非捨非等長

非造非處非非處

此身非顯無所欲

非執非作無所有

非色非心非二二

無分非分無起滅

真實無我現佛身

非強非弱亦非斷

非默非願非盡供

非得非定非依止

實身無染如是現

非見非聞非觸觸

非依施設現影像

若有見者心歡喜

如是成就演說法

非陰非界非虛實

諸根非生非垢淨

非固不固水月現

次觀善逝身如是

從因緣生非真實

非起非滅非動去

非現現三如幻師

如是觀佛無所依

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

經

佛說安般經卷上

三

才五

非寂不寂非相應

非繫非欲非合散

猶如空拳實虛空

如是觀佛真供養

十方世界千億土

積聚珍寶至梵世

無量劫施一切佛

若有書寫福勝彼

若有過於恒沙劫

修習四等遍世界

及持淨戒無能比

信解此經福最勝

無始生死至今身

普於衆生行忍辱

若有暫信智印經

彼如須彌芥子分

三界衆生若干種

於無量劫頂戴行

身不疲懈無悔恨

能忍此經福無比

百世界沙衆生數

於無量劫修禪定

一日一夜持此經

功德勝彼不可數

智捨二邊行中道

過於無量塵數劫

若於此經如說解

彼如大海一滴分

不應以色色相觀

勿如愚人思察佛

見我實者須菩提

三界福田最清淨

爾時世尊說是偈已告舍利弗是爲如來智印三昧  
悉能滿足十方一切世界菩薩無礙智慧舍利弗若  
欲速見十方諸佛及諸菩薩晝夜精勤修此三昧悉  
皆得見舍利弗此三昧是菩薩無量門遍行諸行陀

1 2 3 4 5 6 7 8 9 20 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

經文卷之二十一

五

羅尼能持法界令不斷絕此陀羅尼執諸法門若成就此相名爲菩薩能成三十二相八十種好具相應行業行清淨出魔境界不動不出等行佛行身口意業皆悉清淨欲解如來密法應當修學如是三昧欲次第說法亦學此三昧欲遍知諸法欲知真諦欲解萬億生死作證欲解十二因緣欲解一切衆生意趣所行欲取淨妙佛國當學此三昧欲得妙光欲成就眷屬欲爲衆生作依欲成就相好欲成就樂說辯欲知諸法應學是三昧何以故舍利弗猶如意珠隨衆所欲皆得滿願如是舍利弗此三昧者是諸菩薩一

切妙事悉能滿足一切願行爾時世尊而說偈言

最勝智心上智光 智光智富智富藏

智慧所入智門 無量智印印此經

慧根智作智慧地 智起智光滅衆闇

慧不可盡慧開示 衆經日月照三界

平等等富等三昧 眞實法相斷諸結

一切三昧智印門 此是佛種四妙辯

滅垢無盡度彼岸 德藏福起福普應

是我所得快樂本 此三昧是善逝寶

如王愛國善執衆 盛勝妙寶隨應至

1 2 3 4 5 6 7 8 9 200 1 2 3 4 5 6 7 8 9 200

1 2 3 4 5 6 7 8 9 200 1 2 3 4 5 6 7 8 9 200

經

佛說妙法智目經

洗除貪欲及恚癡

寶海今說此經典

善寂能滅作意念

善除諸穢淨我見

如健執劍壞無壞

佛報得此總持印

智能覆護說衆生

智慧所作智滿富

智光普照無邊際

此經當得智慧門

自調調彼二想斷

滅六十二見愛等

得入如來甘露門

當成相好三十二

道及勝道次第道

助菩提法非助法

善能覺悟懈怠者

慧相無量不可盡

與法相應次第解

無量慧光陀羅尼

能入真諦及十力

是陀羅尼如大海

檀波羅蜜得成就

尸羅羼提亦如是

毗梨禪那智無盡

住此智慧成諸度

勿畏業報及煩惱

亦勿畏魔衆惡趣

修習此經無障礙

隨其所念得成道

住賢劫中諸佛子

十方來會爲我證

不壞法器皆集此

悉應奉持此經法

此經能生過去佛

亦是未來諸佛母

又能生於現在佛

勤修此經佛兄弟

業淨無垢行不退

超出淤泥昇不動

1 2 3 4 5 6 7 8 9 20

1 2 3 4 5 6 7 8 9 20

22

經

佛說文殊經

卷五

應此經者住真實 則得如來妙法藏

爾時世尊廣說是法三十恒沙菩薩得此三昧六十八億那由他菩薩已於百千劫淨修諸行於無上道得不退轉音聲無盡慧光陀羅尼復有六十萬天及人未發無上菩提心者今皆發意聞此三昧皆生隨喜生隨喜時卽得阿毗跋致佛爲授記於未來世過三萬劫當得成佛號曰無畏復有久修行者得無生忍各於異國成無上道盡同一號爾時世尊四衆圍繞告文殊師利汝等住不住法不戲論不作行一切法無所住應田守護此無上道廣爲人說爾時文殊

童子從座而起整衣服胡跪合掌白佛言世尊我觀一切法不可得我當護此無上菩提如世尊無上道無在無不在無處所不現不可執無得無失爾時會中三十億菩薩從座而起偏袒右肩合掌白佛言世尊我等亦欲守護如來無量阿僧祇那由他劫之所修習難得阿耨多羅三藐三菩提法各各脫身所著上衣奉獻如來發無上願爾時世尊告彌勒菩薩汝當善聽彌勒當知此是汝事於未來世後五十歲當護此經彌勒白佛唯然世尊我當守護佛告彌勒三十億菩薩中當有八千菩薩護持正法其餘菩薩未

1 2 3 4 5 6 7 8 9 20

1 2 3 4 5 6 7 8 9 20

22

能自調不護正法於後末世於如來阿僧祇劫之所

才五

修習難得阿耨多羅三藐三菩提正法之中當起諍  
訟輕毀不說不能聽受不能護持彌勒有七法發菩  
提心何等爲七一者如佛菩薩發菩提心二者正法  
將滅爲護持故發菩提心三者見諸衆生衆苦所逼  
起大悲念發菩提心四者菩薩教餘衆生發菩提心  
五者布施時自發菩提心六者見他發意隨學發心  
七者見如來三十二相八十種好具足莊嚴若聞發  
心彌勒如是七因緣發菩提心如佛菩薩發菩提心  
正法將滅爲護持故發菩提心見諸衆生衆苦所逼

起大悲念發菩提心發此三心能爲諸佛菩薩護持  
正法又能疾得不退轉地成就佛道後四發心剛強  
難伏不能護法復次彌勒菩薩成就五法應當知是  
阿毗跋致何等爲五一者於諸衆生起平等心二者  
見他得利不生嫉妬三者見護法者寧失身命不說  
其過四者能捨一切利養五者信甚深法不信世間  
經書文頌彌勒菩薩成此五法名不退轉復次彌勒  
菩薩復有五法其心剛強能壞正法何等爲五一者  
起不善色二者信用鄙行三者貪著利養四者護惜  
檀越五者心懷詭曲行不真實口雖說空而行不稱

是名爲五毀滅正法復次彌勒菩薩復有五法成就  
阿毗跋致何等爲五一者不得我二者不得衆生三  
者了達法界無得無說四者不得菩提五者不以色  
身觀於如來彌勒菩薩成就如是五法名爲阿毗跋  
致爾時世尊而說偈言

爲智與嫉妒 如烏蟲壞木 非言說信鄙  
能護佛菩提 曠野修精進 深忍常宴默  
如犀離眷屬 善護道不失 遠衆樂空閑  
如驚鹿思靜 無著如空風 是行能持法  
不惜身及命 於親不染愛 勸修空無我

是能成菩提 後世有衆生 說我行菩提  
心輕躁詭曲 不能護正法 念然燈佛前  
過八十億劫 有佛名月髻 演說此三昧  
初會八十億 那由他菩薩 聞佛演說法  
皆得不退轉 第二會說法 七十三由他  
第三會聞法 七十億由他 佛壽無量劫  
光六十由旬 僧九十九億 無生心自在  
時有轉輪王 號名曰慧起 王領闇浮提  
七十千由旬 并王四天下 妹女六十億  
其王有千子 所住名樂光 百千城莊嚴

1 2 3 4 5 6 7 8 9 20 1 2 3 4 5 6 7 8 9 20

20

20

傳說文書卷目綱

五

園觀悉具足 皆豐樂熾盛 猶如忉利天  
其王夢聞音 月髻佛興世 百六十億衆  
俱行詣佛所 時王聞此經 甚深法身定  
卽捨國奉佛 唯願隨所用 諸城起精舍  
皆以妙栴檀 兼施衆僕使 金布經行地  
時王供養佛 具滿八萬歲 專精不睡卧  
無厭無憊惜 一日所設供 其數無有量  
諸供奉施佛 爲求此三昧 閑居修靜念  
三昧甚深妙 不以有相獲 亦非巧便得  
卽捨國出家 被以舍那服 繫念三千歲

思定不倚卧 佛於是中間 說法令開解

減度後起塔 六萬四千億 各施五百蓋

七寶而莊嚴 一一百妓樂 照以八千燈

被服麤垢衣 七萬三千歲 常說此三昧

其心無所欲 稱歎不著名 不求世勝智

乞匄不受請 護法依止住 八萬億那由

佛所持淨戒 悉如上供養 具足此三昧

若欲得菩提 應當如佛學 勿信非道論

敬修此經者 後世說行道 而反毀禁戒

爲利不爲法 雖讀不解空 說空不解達

邪命不清淨 論空而取空 自言不疑道  
爾時慧起王 阿彌陀佛是 時王千子者  
則賢劫千佛 時同王出家 眷屬弟子等  
於今在我前 此會四衆是 念億那由佛  
出家聞正法 聞卽能受持 得空無所倚  
起無量方便 供養諸如來 不得菩提相  
皆由行真實 得見然燈佛 斷求獲平等

是時卽受記 未來當成佛

時有女人名曰賢首頻婆羅王大夫人也又彼夫人  
名曰金光拘達女也從座而起往詣佛所皆以衣祫  
盛七寶華各五百裏以散佛上并以劫貝育衣價直  
百千奉上如來而白佛言世尊我於此定信解受持  
有讀誦者我當擁護隨其求欲供養所須我當以摩  
訶衍法教化衆生不信是空是不空不但言說決定  
受持必如說行不惜身命何況財寶亦當如說展轉  
相教爾時頻婆羅王後宮八千女人摩伽陀國六萬  
優婆夷悉發無上菩提之心於此三昧皆生隨喜而  
發誓言於後末世當護正法爾時世尊知其心念卽  
便微笑衆妙色光從口而出普照十方還從頂入爾  
時賢首金光生信敬心卽共同聲以偈頌曰

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

勝人德聚無如佛

功德華樹星中王

言輒怡悅次第味

十力世尊笑何緣

面圓如月開世眼

梵音清淨普樂聞

調柔剛強悅身心

人雄師子笑何因

和忍無濁言真正

應聲圓滿衆味具

明了諸行無量義

願功德聚演笑意

八種妙音悉具足

六十莊嚴和雅聲

解衆言音七百種

通達義味六十億

八十億數相應音

十那由他聲亦然

不可限量無極尊

唯願演說笑因緣

衆山中最無能動

解相應義滅衆疑

能斷衆苦得安樂

寶聚如實說笑因

金山解說七寶乘

猶如華月衆所樂

獨步音聲如師子

願說放光微笑緣

三界特尊淨三垢

於無量劫善寂行

笑光充滿十方界

善利放演甘露明

寶音琴瑟銅鉦簫笛聲

擊鼓鳴貝衆妙音

緊陀羅聲迦陵伽

哀鸞鴻鵠拘翅羅

鞞節箜篌俱暢發

不及如來一妙音

如此十方來會衆

種種意見各不同

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

卷之三

佛說妙法蓮華經

四

才五

願如實說滅見愛

還彼國已滿衆願

十方各遣一億衆

皆爲正法來會此

笑因必爲雨法雨

演說何法令歡喜

賢首金光說此頌已爾時世尊以偈答曰

我念過去恒沙劫

佛號福光世間解

其壽七十六萬億

聲聞衆數無限量

有轉輪王名慧御

夫人月觀次名焰

捨離家愛求正法

於一億歲常護持

六十萬億三十萬

於此諸佛護正法

三十恒沙未來佛

護持正法不斷絕

時慧御王阿閦佛

汝等於彼常俱生

以護法緣捨女身

當生無量極樂國

此衆護法亦當生

法將欲滅爲已住

必生極樂千葉華

相好莊嚴爲佛子

旣得生彼供正覺

莊嚴王劫無荆棘

於彼得成無上道

執持正法及天人

彼佛國土無魔事

無惡業報無胎生

日有無量菩薩集

又無聲聞緣覺名

不惜身命護佛道

不爲名譽而退轉

爲無上道速成就

又欲疾成一切國

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

汝等和合信敬佛

恭敬無依護菩提

大法將壞世末時

不應從彼貪利養

我於億劫妻子施

捨頭目髓求佛道

非法爲利說法過

惜施主生瞋嫉

八萬億人起悲涕

當護滅法依菩提

三千界動天雨華

愛敬此經壽命最

如此佛土恒沙等

滿中金施無量劫

若能信此智印經

恒沙寶施無與比

勿妄授與不樂道

聞佛希有生道心

應次第學此經典

如說而行成菩提

曠野持戒修恭敬

三業於衆如親想

修六和敬生佛想

欲求妙法學此經

若有書寫此法印

讀誦宣示爲人說

此功德身不可議

佛子當生極樂國

爾時彌勒菩薩白佛言世尊未來當有幾數菩薩受持此三昧<sup>1</sup>告彌勒未來世中少有信樂多壞善根斷滅正法行此法者甚難甚難佛告彌勒我若盡說未來菩薩不相應行不可窮盡彌勒白佛唯願說之唯願說之愍我等故未來世中或有修習真實行者得聞此經如說修行應無上道佛告彌勒如汝所說

若有菩薩已於百佛發菩提心植諸善根於未來世  
忘失道心彌勒復有菩薩於千佛所發無上心植諸  
善根於未來世生菩提心不信大乘輕弄摩訶衍彌  
勒復有菩薩於萬佛所發菩提心植諸善根於未來  
世生菩提心信重大乘而不受持亦不讀誦彌勒復  
有菩薩於億佛所發菩提心植諸善根於未來世生  
菩提心能聽能書不解深義不能決定彌勒復有菩  
薩於十億佛所發菩提心植諸善根於未來世生菩  
提心聽受大乘書寫讀誦而於菩提忍不成就彌勒  
復有菩薩三十億佛所發菩提心植諸善根於未來  
世生菩提心聞摩訶衍能聽能受書寫讀誦大忍成  
就於此三昧猶未相應不得應辯彌勒復有菩薩八  
十億佛所發菩提心植諸善根於未來世生菩提心  
聞摩訶衍能受能持書寫讀誦得此三昧忍力滿足  
解一切法廣說菩提魔不能壞無諸業障阿僧祇劫  
所作惡行頭熱心惱爲人誹謗輕弄嗤笑現世卽除  
當於無量無數佛所恭敬供養終不退轉菩提之心  
得堅固志繫念不散如是菩薩先世惡業於未來世  
受惡色身衆罪卽滅或多病苦爲人所憎生下賤家  
或生貧家或生邊地及邪見家惡友相得得不同志

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

人不恭敬多諸憂惱爲王所忿值國荒壞聚落分散  
親族乖離知識殊越不遇法會諸所須欲人不惠施  
設有所得衆不貪樂或得少施貴者所棄貧者親破  
欲修善業多諸乖礙頑闇散亂不達法次無諸僕使  
卧輒惡夢或復餘夢罪業卽除往業所拘魔所障蔽  
虛妄取相爲魔得便不解諸法有利養處自生下心  
端正人衆形儀醜陋人不愛念見他得利心生憎嫉  
更相輕毀如是略說彌勒若有菩薩於百佛所共作  
功德不欲虧失以是因緣互相毀壞況不作者如是  
彌勒應堅精進以正憶念起大忍力成就深法妙智  
方便於未來世欲持此法當起精進爾時彌勒菩薩  
文殊師利菩薩喜王菩薩如是等六十菩薩爲上首  
白佛言世尊我今聞此護法功德於未來世護持此  
經爾時世尊而說偈言

少欲無垢無邪詔      常正憶念遠離行  
深忍堅固無動搖      爲護十力珍寶聚  
威儀靜默無染著      無求無欲離諍証  
心等如空無轍跡      行應真如體三昧  
堅固菩提常現前      解了甚深名正覺  
不觀憎愛無所著      乃能獲得此三昧

1 2 3 4 5 6 7 8 9 20

20

20

經

佛說妙法華經卷第

五

於怨親中心平等　　於佛善友無異想  
修六和敬戒清淨　　是能速解此三昧  
曉了世間最殊勝　　應辯印法百億相  
智慧照明喻日光　　於此中說入智門  
日月晝夜處虛空　　又如雪山常處地  
帝釋梵王轉輪王　　如醫善治此亦然  
此經淨心滅業報　　此經降魔名甘露  
此神足明知他心　　一切異類若干應  
此能憶知那由劫　　此能滅除一切愛  
此佛所讚如來印　　此道相應如觀掌

此經選擇諸空義　　此是空寂真實住  
有無二邊名戲論　　永捨無著持正法  
佛涅槃後有說言　　我見諸法空如夢  
諸法不起無作者　　於中施設作想住  
法空無生無作者　　無見無來亦無動  
凡所著法名法賊　　而自說言我學空  
若從彼聞名聞法　　悲涕流淚衣毛豎  
又自稱讚不退轉　　後復說彼衆惡相  
貴賤貧窮失財寶　　我若得法獲眾利  
我若出家榮親族　　而於佛子生嫉恚

1 2 3 4 5 6 7 8 9 20

1 2 3 4 5 6 7 8 9 20

22

經文不智曰經

爲無上道故出家 欲行菩提而不住

如度大海彼岸遠 是於菩提無正念

靜住山澤威儀具 師友清淨眷屬善

爲利養故求親友 而自稱說真出家

出家能應此正法 猶如蓮華無染著

此經相應次第行 是真菩提常守護

喜王我今教戒汝 慎莫隨彼不善學

如法修行具佛德 汝等應當如我學

假使田如那由界 恒沙數種植其中

一種生於恒沙實 一切種生亦如是

如是展轉千萬種 獻綸繁茂滋別生

如其所種不可數 一切猶尚無計量

以是巧便盡東方 如是所種無有餘

一切諸方亦如是 是諸子數佛充滿

一一諸佛有百頭 一一佛頭有百舌

如是經歷無量劫 悉共讚歎應此經

書寫受持及讀誦 演說功德不可盡

如須彌山芥子分 满虛空草一葉分

如大海水一滴分 當應此經離有行

爲聞受持書讀誦 是故我說如是偈

1 2 3 4 5 6 7 8 9 201

1 2 3 4 5 6 7 8 9 202

1 2 3 4 5 6 7 8 9 203

經

卷之二十一

三

五

爾時喜王菩薩文殊師利法王子菩薩如是六十菩薩得無緣行而白佛言世尊所言法云何爲法佛告喜王所言法者無作無施設而有言說唯然世尊若法無作無施設何故而有言說佛言若法無作無施設無可得如是言說遍觀諸法不得不盡不起不滅不滅不食無主無處無處所無彼無此非有爲非無爲假名非假名非心非非心非對非非對非相應非不相應等非等境界非境界分非分近非近非染非言說唯然世尊云何非染非言說佛言善男子非染非言說名涅槃爾時文殊師利法王子白佛言世尊

若法如是相何等法滅何法可護佛告文殊師利起法者著戲弄諸法戲弄諸法起有無二邊起二邊者此則滅法第一義中無法無法滅亦無有諍爾時世尊而說偈言

或有說實而不異

或復有異說無常

若有得法計二邊

是名戲論不相應

法無有作亦無壞

本不見自不見他

亦無相應施設念

若自說言我忍空

繫念於空不相應

是法不生妄思量

諸所施作皆魔網

心無所緣名法印

1 2 3 4 5 6 7 8 9 200

1 2 3 4 5 6 7 8 9 200

1 2 3 4 5 6 7 8 9 200

若有思計名凡夫

諸法本無而妄取

籌量諸法計言聲

愚人妄取有無二

智求於智不得智

智慧終不生於智

演說有爲虛假相

亦非有智非無智

若法少分是實有

壞敗則成斷滅法

若使有法實住者

一切諸法則常住

愚人放捨復還得

是則壞陰乖法相

計著於我得我實

智人知法非有無

明與無明法無二

若聞演說則驚怖

此則繫念邊見相

有爲壞敗說涅槃

心不能知心實相

實相亦復不知心

一切諸法皆如夢

或說真實著我見

法從緣起非真諦

若法滅盡亦非諦

以是方便得真實

起法若實佛應起

如來智慧不可得

雖說諸法無顯示

雖治衆病無解脫

如是名爲善寂解

若使涅槃有分者

諸佛聲聞應往彼

牆壁諸法無涅槃

智者不應生戲論

若能見實衆生者

亦無可示言說有

衆生自起可見相

此是涅槃無所著

1 2 3 4 5 6 7 8 9 201

202

203

卷之三

佛說如來答自經

或有說陰是真諦

或說滅愛名爲道

唯一真諦不生滅

或復演說四真諦

推求不得一法本

況坐道樹見四諦

衆雜穢心共出家

轉壞我法妄起作

爲沙門果及名譽

勿近惡友親善友

如犀獨處在曠野

與此三昧義相應

八十億佛二足尊

護念書持此經者

見諦諸天亦護念

晝夜防衛不捨離

無量光照無窮盡

慧明導示百法門

於夢開悟令成就

持此三昧甚希有

爾時佛告文殊師利若欲成就佛菩提者於此三昧  
應專心學成就三十二相八十種好十力四無所畏  
大慈大悲成就佛眼自成菩提成聲聞衆成菩薩衆  
成佛國土成大智陀羅尼欲解一切衆生語言欲得  
應辯欲得決定辯欲得神足欲說不退法欲解一切  
相應法欲明解諸法應當修習如是三昧何以故菩  
薩與此三昧相應則得如上功德名爲佛名爲偏學  
名洲名救名爲應供名一切智名爲調伏名世間解  
名無上士名爲如來如說而行無等無等等名第一  
論實論爲最勝何以故文殊師利我住此三昧見然

1 2 3 4 5 6 7 8 9 20

1 2 3 4 5 6 7 8 9 20

燈佛卽得菩提文殊師利白佛言唯然世尊若世尊  
見然燈佛卽得菩提何故阿僧祇劫在生死中修難  
行苦行佛告文殊師利我爲衆生作佛事化衆生令  
住三乘爲說本願文殊師利我於爾時亦持菩提亦  
入涅槃爾時世尊而說偈言

能與此相應 自覺福無量 十方百億佛  
皆護念此人 不退轉甘露 不思顯百相  
修習必獲得 無盡總持王 此智三昧定  
解一切言音 能壞諸法相 解脫滅衆結  
善寂不起滅 不著除衆疑 成十力相好

一切佛功德 善靜解衆音 種種異類聲  
次第解令喜 淨有無二邊 決定智最勝  
減除一切結 若能學此經 決了道無疑  
若於三七日 專心學此經 不懈不睡卧  
不隨親愛樂 柔軟和悅言 慈悲不嫉妒  
修習六和敬 持戒得三昧 等心具威儀  
直心樂解脫 不造作緣起 知足垢不著  
堅固不輕躁 不現邪僞相 如禽無繫著  
必獲總持王 三千界震動 天奏衆樂音  
雨散妙香華 幷幢蓋百千 又雨妙天冠

1 2 3 4 5 6 7 8 9 20

1 2 3 4 5 6 7 8 9 20

1 2 3 4 5 6 7 8 9 20

卷之五

佛說法華經旨疏

卷之五

五

碑礎寶瓔珞 摩尼及真珠 圓寶光悅衣  
於上無量天 諸龍金翅鳥 龍阿修羅王  
比丘清信士 尼及清淨女 各脫身上衣  
圓寶以散佛 願求無上道 我說無限量  
亦不可顯示 若發菩提心 卽得不退轉  
調伏得羅漢 其數如恒沙 百世界衆生

聞法大歡喜

爾時世尊說是法時阿僧祇衆生皆發無上菩提之心八十那由他天及人皆得不退轉於無上道六萬三十億天人得無生法忍無數衆生得阿羅漢如是十方來會菩薩摩訶薩皆得此三昧佛說經已喜王者菩薩文殊師利爲上首如是六十不可思議菩薩賢劫一切菩薩彌勒爲上首賢首金光如是十方來會菩薩諸大聲聞及四部衆天人乾闥婆阿修羅一切世間聞佛所說皆大歡喜

佛說如來智印經

音釋

所之若者闍崛  
梵語也此云鷲頭閣  
切  
帝  
丁歷丁計  
水滴也  
二  
古得切  
衣  
劫貝  
梵語也此云細  
香丸卽木綿也

龜

許救切以氣也

1 2 3 4 5 6 7 8 9 200 1 2 3 4 5 6 7 8 9 20

吳江居士周祇施資刻此

佛說如來智印經

嘉禾沙門道梅對吳門徐普書進賢洪國輔刻

萬曆甲辰孟春月徑山寂照庵識

南都大望閣父四皓衆天人並讚矣  
後一足告齋極世爲上首遺首金水城吳士  
苦心文林而於我工首呼長六十不外思  
士來會吾謂其信舊音得此三宋集

チノ  
十二